




DS  
754  
.4  
L36A25  
1732  
v.7







鹿州初集卷十四

漳浦藍鼎元玉霖著

衡山曠敏本魯之評

考

經學考

六經聖人經世之書也。有天下國家身心性命之人。  
皆不可一日廢者也。為治而不本六經。必流為刑名。  
法術。雜霸小補之治。為學而不本六經。必流為異端。  
○混○然○一○途○皆○緣○經○學○不○明○耳○高○者○入○于○虛○無○早○者○  
○儒○佛○老○莊○



○流○爲○功○利○此○中○研○究○不○可○不○精○  
邪○說○支○離○固○陋○之○學○故○自○古○今○以○來○名○爲○儒○者○無○不○  
以○窮○經○爲○要○然○經○有○五○有○六○有○九○有○十○三○之○稱○何○昉○  
乎○致○堂○胡○氏○曰○孔○孟○之○門○經○無○五○六○之○稱○其○後○世○分○  
禮○樂○爲○六○合○爲○五○歟○余○謂○稱○五○經○自○漢○武○帝○置○五○經○  
博○士○始○也○稱○六○經○則○莊○子○天○運○篇○已○有○之○其○始○于○戰○  
國○可○知○也○漢○儒○變○其○說○曰○六○藝○董○子○所○謂○簡○六○藝○以○  
贍○養○之○史○遷○所○謂○六○藝○於○治○一○者○皆○經○也○禮○樂○何○以○  
可○合○言○漢○文○帝○時○竇○公○獻○樂○書○乃○周○官○大○宗○伯○之○司○  
樂○章○則○固○在○周○禮○中○也○河○閒○獻○王○與○毛○生○等○作○樂○記○





一篇其後又在禮記四十九篇之中是以或五或六  
任乎稱者之分合耳九經之名始于後漢至後唐明  
宗刻九經板印賣之自是始廣其傳十三經之名始  
于唐貞觀之世卽今所傳之十三經無疑也說經之  
家漢儒爲最至宋而指歸乃定易有連山有歸藏連  
山作于夏其亡已久隋劉炫僞造以獻被訟削籍歸  
藏作于殷漢初已亡晉時忽有之惟載卜筮鄭氏夾  
際尊信之則好奇之過也周易文王周公孔子之書  
故其傳至千秋不廢漢時說易者分爲三家一曰田



何之易。乃商瞿受於孔子。六傳至何而大興。何三傳至施。讐。孟喜。梁邱賀。由是有施。孟。梁邱之學。一曰焦贛之易。無師授。自言得之隱者。第述陰陽災異。不類聖人之經。京房習之。別爲京氏學。一曰費直之易。亦無師授。始以象象文言雜入卦中。東京荀劉馬鄭皆傳其學。康成註之。王弼最後掃去象占之學。弼註出而餘家皆廢。然雜以異端之說。啓魏晉玄虛之弊。范甯謂其罪深于桀紂也。唐孔穎達作正義。以弼爲本。李鼎祚集解。排弼而宗康成。其後郭京。陸希聲。胡瑗。



皇甫泌蘇軾等解易者不下百十家。朱子謂秦漢以來攷象辭者泥于術數而不得其弘通簡易之法。談義理者淪于空寂而不適乎仁義中正之歸。因時立教以承三聖。伊川先生易傳而已。然世謂伊川之易精于義理而略于卜筮。於是言象數者宗康節。至朱子作本義。啓蒙兼二家之說。而易學始大備焉。書有古文。今文。今文伏生所授。數傳而至歐陽高。謂之歐陽之學。又有夏侯勝及勝子建。爲大小夏侯之學。三家並行至東京。而歐陽特盛。古文得之孔壁中。經孔



安國編定以巫蠱事起不得列學宮至晉梅賾上之  
唐衛包合古今文爲一而書始全然蔡九峯謂今文  
多艱澀古文反平易疑安國之序不類西京文字朱  
子亦疑之歐陽公日本刀歌有云徐福行時書未焚  
逸書百篇今尚存今嚴不許傳中國天下無人識古  
文疑此書今在日本國此亦近於好奇未可據爲定  
論也陸德明孔穎達蘇子瞻等所作書註疏解不下  
數十家獨蔡九峯集傳折衷衆說就正朱子自明迄  
今皆用之漢初言詩者亦有四家魯人申公訓詁爲



魯詩齊人轅固生爲齊詩。燕人韓嬰爲韓詩。趙人毛萇獨云傳自子夏爲毛詩。先儒亦謂詩序子夏所作。而毛氏衛敬仲又加潤色者。鄭衆賈逵馬融並作毛詩傳。鄭康成作毛詩。賸何育全緩又註之。齊詩亡于漢末。魯詩亡于西晉。韓詩雖存。無有傳者。惟毛詩鄭賸獨立學宮。朱子廢小序作集註。後人雖遺議紛紛。○丁○爲○斷○然終不可易也。春秋漢初有公羊穀梁鄒氏夾氏四家並行至王莽之亂。鄒夾俱亡。獨公穀立于學宮。左氏之書最晚出。久乃大盛。賈逵服虔並爲訓解。至晉



杜預又註之。與公羊何休註。穀梁范甯註。俱立學宮。

自是三傳並行。而諸儒多宗左氏。獨朱子謂左氏考

之。功。不。小。其。文。章。亦。非。公。穀。所。及。

事頗精。只是不知大義。專去小處理會。公穀考事甚

疎。然義理却精。二人乃經生傳聞。不曾見國史。漢唐

以來言春秋者。大抵考傳而不知經。至胡文定公作

春秋傳。按左氏之義。取公穀之精。採孟子以下莊周

董仲舒王通邵堯夫二程橫渠之說。以潤色之。聖人

筆削褒誅之旨。至是大明。雖中間亦不免有牽強處。

然議論正大。今貢舉取士。必宗之。則亦無以易矣。漢



初。未。有。儀。禮。之。名。始。于。高。堂。生。十。七。篇。朱。子。疑。學。者。見。其。中。有。儀。有。禮。遂。合。而。名。之。嘗。曰。儀。禮。禮。之。根。本。又。曰。儀。禮。經。也。禮。記。傳。也。鄭。康。成。作。儀。禮。註。黃。慶。李。孟。哲。爲。疏。唐。賈。公。彥。刪。二。疏。而。自。爲。之。然。先。儒。多。苦。儀。禮。難。讀。張。淳。云。如。劉。歆。所。言。則。高。堂。生。所。得。獨。爲。士。禮。今。儀。禮。乃。有。天。子。諸。侯。大。夫。之。禮。疑。非。高。堂。生。書。但。篇。數。偶。同。朱。子。謂。淳。不。深。攷。劉。說。所。訂。之。悞。又。不。察。所。謂。士。禮。者。特。略。舉。首。篇。以。名。之。其。曰。推。而。致。于。天。子。蓋。專。指。冠。婚。喪。祭。而。言。若。燕。射。朝。聘。則。士。豈。



有是禮而可推耶。然則儀禮之爲高堂生無疑也。周

禮一書起于漢武帝時。河閒獻王得周官五篇。失冬

官。募以千金不得。乃取考工記補之。至劉歆校秘書

始得序列。多爲諸儒所擯。斥何休謂爲六國陰謀之

書。惟杜子春能通其義。鄭衆鄭興皆讀之。康成獨以

爲周公致太平之迹。故其學遂行于世。論者以王莽

安石一再用之。而亂天下。疑非周公之書。五峯胡氏

辯之尤力。而朱子稱其廣大精密。中閒細碎處。雖可

疑。然非聖人亦做不得。則伊川所謂有關雉麟趾之

定論

○到底○細○碎○處○

○畢○竟○多○僞○善○讀○者○自○領○之○



意然後可以行周官之法度抑亦理有固然而不必  
以莽安石爲周禮累也禮記出于漢儒所輯錄其書  
多雜而不純始自河閒獻王所獻劉向校定戴德刪  
爲八十五篇所謂大戴禮也戴聖又損益爲四十六  
篇爲小戴禮馬融增月令明堂位樂記總四十九篇  
今大學中庸入于四書所存者四十七耳鄭康成王  
肅皇甫侃熊安生孔穎達衛湜之徒註疏不一而學  
者宗陳澠恨其書未經聖人之筆削則所望于後賢  
者不僅在註疏也論語漢初有齊魯之說傳齊論者  
小○答○易○  
讀○禮○記○更○



王吉貢禹等傳魯論者。龔奮夏侯勝等至張禹始合  
爲一刪問王知道兩篇孔安國爲之傳諸儒註疏訓  
解不可枚舉惟鄭康成何晏立于國學後世以問王  
知道二篇不見爲憾然聖經豈禹所能刪必二篇出  
漢儒之僞作故不傳也孟子始註于趙岐而揚雄韓  
退之以及伊川橫渠等解釋不下數十家然自朱子  
集註出而百家註疏論語孟子者至是始集大成雖  
有土充之刺孟馮休之刪孟司馬溫公之疑孟蘇子  
瞻之辨說皆無損于日月之光而陸筠之翼孟余允



文之尊孟併亦可以不煩也。孝經遭秦火之後，爲河  
閒人顏芝所藏。漢初芝子貞獻之，凡十八章。長孫氏  
博士江翁后，倉翼奉張禹皆名其學。又有古文孝經  
與尚書同出，而長孫氏有閨門一章，其餘大較相似。  
又有衍出三章，合爲二十二章。孔安國爲之傳，至劉  
向以顏本比古文，除其繁惑，以十八篇爲定。鄭氏馬  
融並爲之註。鄭註或云康成，其立義與康成所註他  
書不同。梁時孔鄭二家並立學宮。唐明皇復註之。元  
行冲爲疏。宋邢昺作孝經正義。朱子作孝經刊誤。然



觀其跋後數言則當世之疑者甚多而語錄又云疑  
亦存乎學者之精擇耳  
非聖人之言則以其說得不親切但言孝之效如此  
因有欲掇他書發明其旨別爲外傳之意爾雅一書  
不知始于何時據郭璞序但稱興于中古隆于漢氏  
至唐陸德明作釋文始謂釋詁爲周公所作其說蓋  
本于魏人張揖所上廣雅表言周公制禮以道天下  
著爾雅一篇以釋其義餘篇或言仲尼所增或言子  
夏所益或言叔孫通梁文所補解家相傳疑莫能辨  
闕之可也  
舊有劉歆樊光李巡孫炎之學今惟郭璞註邢昺疏



行于世。隋唐以來。此書不課于舉子。韓退之以古文。  
名世。尚以註蟲魚爲不切。則知誦習者寡矣。宋初稍  
出。後有以爾雅問題者。以能辨鼠豹不識螻蛄爲  
對。驚嘆博聞。陸佃爲爾雅新義。自謂可使郭璞擁篲  
道。跋望塵。躅然大率不出王氏之學。與劉貢父不  
徹薑食三牛二鹿之語。無以相過。其爲玩物喪志也  
甚矣。要而言之。易書詩春秋俱經聖人手定。論語孟  
子孔孟之徒所記述。後聖有作亦等游夏之一辭。莫  
贊詩集註有廢序之疑。胡氏傳有牽強之處。儒者吹



毛○求○疵○或○好○論○說○以○自○鳴○一○家○固○亦○聖○人○所○弗○禁○然○  
度○德○量○力○保○無○遺○議○而○欲○以○一○偏○之○識○試○蠡○測○之○技○  
徒○見○其○勞○而○罔○功○爲○紫○陽○文○定○之○罪○人○則○亦○可○以○不○  
必○也○三○禮○之○書○多○出○漢○儒○所○附○益○其○義○理○未○盡○粹○精○  
言○詞○篇○章○一○望○蕪○雜○不○能○不○有○待○于○好○學○深○思○之○士○  
定○其○指○歸○刪○其○繁○惑○無○使○綜○彙○不○倫○庶○幾○有○合○乎○周○  
公○孔○子○之○精○意○夫○亦○吾○黨○之○責○也○孝○經○雖○未○必○曾○子○  
所○爲○然○其○書○闕○係○甚○大○必○不○可○廢○採○輯○古○今○大○義○嘉○  
言○推○而○廣○之○發○明○至○德○要○道○之○旨○爲○曾○子○之○功○臣○可○

刪○者○多○矣○其○當○否○尚○難○知○也

正○論



耳公羊穀梁皆傳也。而列于經。此推尊之。無謂者則  
安當之論亦仍傳之而已矣。爾雅決非周公孔子之書。所謂叔  
孫通梁文者。近是此。乃字釋小學列之于經。無益於  
身心性命天下國家之故。余以爲可廢。已甚歸之字  
說音韻篆隸說文之流。爲學者游藝覽觀之一助足  
矣。孟子子所謂不如無書也好古無識而爲古人所愚。亦非古人所甚願也。

堅僻者臆斷拘牽者附會經學所以貴考之精詳  
也。漢儒闡述六經厥功甚偉。然其不精不詳處亦  
難禁後人指摘大抵讀書到義理貫通後。自然胃



有特識如今學者須遵朱子讀書之法不必躐等  
若筆削之權譚何容易也



史學考

古之爲史者有專官。班馬皆世其業。故其書出一人之手。成一家之言。自唐太宗命廷臣共爲之。後世因爲成例。意見錯出。言人人殊。而其書踏駁不可問矣。故宜詳考古之作史者以春秋編年爲正體。自司馬遷創紀傳。後世宗之。蕭梁閒又特起一例曰實錄。雜取編年紀傳之法而爲之。則以備史官之採擇。無制作之意。不足道也。編年最古。所載一國治亂事最詳。而人以紀傳便于披閱。號爲正史。則有不可解者矣。今所傳爲



總傳

正史者二十一家則皆紀傳之體祖司馬氏史記者也。史才以遷爲第一。後世著述之士皆莫能及。朱子曰。遷才高識亦高。但麤率則衷于道言之。東萊稱太史公指意深遠。寄興悠長。微而顯。絕而續。正而變。若魚龍變化。不可蹤跡。是其行文之妙。固亦有然者也。班固譏遷先黃老而後六經。退處士而進奸雄。崇勢利而羞貧賤。此誠遷之所短。然當其時。武帝窮奢極侈。海內凋敝。反不如文景尚黃老人主恭儉。天下饒富也。武帝用法刻深而當刑者以貨免。遷遭禍家貧。

論亦允協



無財自贖。交游莫救。卒陷腐刑。蓋其意有所感憤。故  
其言不無過當。而能推尊孔子。序列世家。譏聚斂。而  
終平準。則亦未可輕議者乎。遷沒時。史記尚少十篇。  
褚先生。少孫補之。然景紀疏略。武紀全錄。封禪書三  
王世家。但述封拜策辭。禮樂書。膳荀子禮論。河閒王  
樂記。傅靳列傳。與漢書同。餘皆猥釀不足道。則不及  
遷書遠甚。孟堅陽薄子長。而陰實宗之所著。漢書自  
高祖至武帝。盡用史記。自昭至平。則資于賈逵。劉歆。  
其八表。天文志。則妹昭踵成之。昔人謂固書皆因遷。



不○壽○  
魏○收○穢○史○不○足○為○君○子○觀○也○昔○人○謂○三○國○志○當○更○脩○  
定○最○為○確○論○鄭○知○幾○陳○亮○皆○有○志○未○成○廬○陵○貢○士○蕭○  
常○為○續○後○漢○書○起○昭○烈○終○少○帝○炎○興○而○止○既○正○其○名○  
又○擇○註○文○之○善○者○併○書○之○惜○乎○壽○疏○略○于○前○使○常○無○  
所○藉○手○發○揮○于○後○今○其○書○不○傳○則○亦○壽○掩○抑○漢○事○之○  
過○也○晉○書○隋○書○房○喬○魏○徵○等○總○其○事○合○褚○遂○良○長○孫○  
無○忌○于○志○寧○李○淳○風○顏○師○古○孔○穎○達○李○延○壽○等○共○為○  
之○隨○其○學○術○所○長○分○授○區○處○各○當○其○用○類○例○出○于○敬○  
播○天○文○律○曆○淳○風○專○之○宣○武○紀○陸○機○王○羲○之○傳○論○太○

○集○思○廣○益○之○功○大○矣

○壽○罪○不○可○逭○



宗所自爲隋書序論皆徵之作所以晉隋二志高于  
古今然晉書猶取沈約誕誣之言雜采語林世說幽  
明錄搜神記詭異謬妄之語而隋書則鄭夾漈稱其  
極有倫理本末兼明可以無憾遷固以來莫能及也  
沈約撰宋書以何承天書爲本旁採徐爰之說頗爲  
精詳但本志兼載魏晉其體煩雜非復前人比又喜  
史○家○大○病○痛○造奇說以誣前代創立符瑞一志荒誕不經無益甚  
一○語○抹○煞○矣蕭子顯撰南齊書天文戶口莫能詳也其爲文喜  
自馳騁更改破折刻雕藻績之變尤多風斯下矣姚



思廉撰梁陳二書。以繼乃父未成之志。雖同事者有  
魏徵。然徵惟著總論筆削序次。皆出思廉。思廉父名  
察。仕陳時。卽爲此書。經三世傳父子。更數十歲。而後  
成。成又久不顯。至宋始列于學者。蓋其難也。後魏書  
成于魏收。直借史以爲酬恩報怨之具。自謂舉之則  
使上天。按之則使入地。其良心不存久矣。爾朱之惡。  
可減何傳。不可以爲佳穢史之稱。千載不易。其後齊  
亡。竟遭發塚棄骸之慘。劉知幾謂其陰慝所致。信夫。  
隋文帝命魏澹等更撰魏書九十二卷。皆不傳而收。



書獨行于世則澹等文章之陋也李百藥撰北齊書  
乃因父德林所撰述續成以獻但其避唐諱不書世  
祖世宗之類議者少之令狐德棻撰周書因蘇綽牛  
弘之舊務清言多非實錄李延壽撰南史北史刪煩  
補闕叙事簡勁司馬溫公所稱佳史者也然好迷妖  
異兆祥謠識持爲繁猥則其所不足耳舊唐書出于  
石晉宰相劉昫因韋述舊史增益之繁略不均是非  
失實甚以韓愈文章爲大紕繆至宋仁宗乃命廷臣  
刪定之歐陽脩撰紀志宋祁撰列傳自言事增于前



文省于舊而議者謂永叔學春秋每務褒貶子京惟  
刻意文章用字多奇澀復采雜說往往牴牾則新唐  
書確不出一手亦未爲盡善也歐陽脩五代史深得春  
秋之法褒貶謹嚴依稀子長一體但天文不載變異  
韓通不爲立傳亦微疵也宋史立傳惟計官階敘述  
止詳遷擢序道學則詮次失倫述盜賊則繁猥無紀  
濫漫紛沓莫此爲甚遼史失之蕪雜承訛襲舛不可  
勝窮揭傒斯有心術宜正之規故所爲金史簡質殊  
甚非宋濂之元史忌諱不明所可比擬者也要而言



之史家之學前莫善于子長後則推夫永叔蔚宗抱  
負遠遜孟堅其他數子得失參半姑以備一朝之事  
蹟雖極穢如魏收未若陳壽三國志之三綱淪敦冠  
史者與讀史者俱應從此發猛省  
履倒置讀其書而不痛憤必其人已無惻隱羞惡是  
非之心甘爲亂臣賊子而無疑者也宋史靡蔓已甚  
卷帙繁多如邱抄雜錄有待採擇脩定未可公然命  
之曰史也邵氏弘簡錄剪截枯槁如拙匠初學塑雕  
略似人形而聲音笑貌精神意氣槩乎未之有焉世  
人畏宋史繁浩不得不趨邵氏之簡便亦出于無可



奈何也。余謂三國志宋史二書當更新脩定。若畏難。  
苟且以俟。後人又俟之後人。不亦吾徒之恥乎。  
抑又論之。編年之史。本于春秋左氏。涑水司馬溫公。  
祖述其法。輯成資治通鑑一書。治亂興亡。瞭如指掌。  
而義例未精。予奪失當。紫陽朱子憂之。因作爲通鑑。  
綱目大書。以提要分註。以備言表年著統起威烈終。  
五季千三百六十年間。義精事核。卓乎可繼。春秋紹。  
先聖筆削之旨。元儒金履祥斷自唐虞。爲補前編明。  
憲宗命儒臣商輅等續宋元以成後紀。萬曆中渭上。



南軒又雜采宓義以來核而可信者列于前編之首。可謂至詳且備獨有明一代闕如焉脩補釐定繼往開來是亦吾徒之責也夫。

著述之才何代蔑有第騁才者只辦就一幅錦繡迷人眼目其中疵瑕儘可遮掩得來要知此事何等關係一字之差名教蕩然豈可被他瞞過史學考之所以作也作史貴忠貴恕綱紀不明不忠極矣是非不確不恕極矣人面獸心而欲論列古今人物可乎史所難者在褒貶然所謂褒貶者據事



直書而善否自見非有意褒之貶之也春秋之作  
祇以存信褒貶二字夫子亦未曾承認歐公自  
褒貶精嚴九原可作余欲與細商之



歷代曆法考

○等○出○源○頭○

古者聖王仰觀俯察敬天勤民。於是有治曆之法。分  
周天躔度。置閏月。定四時成歲。使民有所準節。以各  
遂其生。出入作息。農桑畜牧諸務。無差忒焉。故自開  
闢以來。曆法至今不廢。軒轅黃帝始命大撓作甲子  
命羲和占日常儀。占月車區。占星氣。隸首理算數。命  
容成造蓋天儀。著周天曆度。作調曆。以建寅春正月  
爲歲首。復迎日推策。作十六神曆。積餘分以置閏。此  
古今治曆之祖也。少昊之衰。九黎亂德。顓頊乃命南



正重司天。北正黎司地。以治神人萬物有序。民安其若○私○  
生爰及帝嚳式序三辰。堯命羲和治曆象授人時。東  
作南訛西成朔易分而理之。以閏月定四時成歲。舜  
在璿璣玉衡以齊七政。洪範五紀一曰歲二曰月三  
曰日四曰星辰五曰曆數。成周大司徒以土圭之法  
測土深正日景以求地中。馮相氏掌歲月辰日星之  
位辨其叙事以會天位。保章氏志日月星辰之變動  
以觀天下之遷辨其吉凶。秦火以後三代儀器蕩然  
無存。欲求古者治曆之法其詳不可得聞也。漢曆凡

○結○上○起○下○



五變而司馬遷之太初曆本于黃鐘晦朔弦望序皆  
不忒唐曆凡八變而僧一行之大衍曆本于著策章  
部紀元皆與易合元郭守敬許衡共成授時曆測景  
驗氣定爲歲差其法頗精古今稱善曆者此三家爲  
傑出而三家之中前輩以授時爲善謂其測候日月  
星辰消息運行之變專主晷景爲最密也古今改曆  
不下數十家自黃帝迄秦凡六改漢凡五改下迄隋  
末十三改由唐迄周十六改宋十八改金熙宗迄元  
末凡三改蓋日月有盈縮朏朒星辰有遲留伏逆出



入于二道之間約七十年而差一度每歲差一分四  
五十秒年久數盈漸差漸遠有不容不改者爾嘗考  
堯時冬至昏昴中日在虛七度躔元枵之子至明嘉  
靖間冬至昏室中日在箕三度躔析木之寅計去堯  
三千九百餘年而差者五十度矣若執滯不改將晦  
朔弦望失其節分至啓閉乖其期何以行令訓民哉  
漢鄧平改曆洛下閎謂百年後當差一度晉虞喜立  
歲差之法定以五十年久而驗之弗合也何承天以  
百年劉焯以七十五年僧一行以八十三年久而驗



之又弗合也。宋統天曆則六十七年前輩謂邵堯夫  
差法冠絕古今。却于日月交感之際以陰陽盈虧求  
之。元郭守敬許衡定以六十六年有奇而退一度上  
考往古則每百年長一下。驗將來則每百年消一前。  
輩又謂授時之制度越前作至明大統曆猶仍其舊。  
洪武中博士元統請以洪武十七年甲子歲冬至爲  
曆元。雖不用授時消長之法。大約名異而實同。未有  
以易之也。然行之既久。仍又弗合。如正統十四年己  
巳朔二至之晷有晝夜六十一刻之文。正德九年八



月朔日食。曆官報食八分六十七秒。數俱不合。而閩  
廣之地。遂至食既起復時刻。又安得同。夫天道之可  
驗者。莫顯于日月之交食。而舛錯訛謬。一至于此。此  
鄭善夫華湘載墳邢雲路之徒。所以嘵嘵不已也。萬  
曆末年。太僕少卿李之藻。上西洋曆法述。龐迪我龍  
化民等條陳曆算十四事。皆中國天文曆志諸書所  
未嘗及。崇貞間。開設曆局。尚書徐光啓薦李之藻。其  
事徵西洋陪臣湯若望。羅雅谷等。供事曆局。闢幽極  
微。一破從前訛謬。明社旋屋。未及頒行。我

法自明卽入中國矣

西洋曆



朝握符凝命。八荒爲宇。西洋臣子。得與朝參。聚精會神。晝夜推測。一時象緯曆算之學。迴出尋常。今所頒行時憲曆。誠千古以來盡善無弊者也。前輩謂漢自太初出而一十七家之曆。皆正唐自大衍出而二十三家之曆。盡廢茲。

本朝時憲曆出而上下百家俱不足言矣。夫西洋習此○一○天主一教。惑世誣民。不可以令而用其長。以治曆則段○萬○不○可○少○班孟堅所謂專門之裔。精算之士者。仰見我國家隨材器使。知人善任。度越前王。煌煌乎文治之



盛也。抑聞之。曆有理有數。古今明曆數不少。而明曆理者極難。朱子亦曰。曆不能無差。今之學曆者。但知曆法。不知曆理。蓋舍理以求數。雖窮極微妙。必有不。能盡合者。君子用曆亦究其理而已。數學靈臺掌之。非有大人之事者所暇及也。

古今曆法瞭如指掌。筆勢雄健。暢茂條達。文之最明快者。



錢幣考

人民之生資百物以爲用而農工藝業各專所有不能相通聖王於是探原以適用之物制爲貨幣以權之有無相濟貴賤相資天下無一物之不足所謂財者生民之大命自太昊氏以來卽有此矣太昊高陽謂之金有熊高辛謂之貨陶唐氏謂之泉商人齊人謂之布齊人莒人謂之刀虞夏商之幣金爲三品或黃或白或赤或錢或布或刀或龜貝又以珠玉爲上幣黃金爲中幣刀布爲下幣然珠玉黃金得之爲難權輕



○適○用○而○可○久○者○惟○錢○

重○通○貧○富○而○可○以○常○行○者○惟○錢○而○已○故○九○府○圜○法○自○

太○公○以○來○未○之○有○改○也○九○府○卽○周○禮○所○載○太○府○玉○府○

內○府○外○府○泉○府○天○府○職○內○職○幣○職○金○九○官○是○也○圜○謂○

均○而○通○也○金○計○斤○布○帛○計○疋○錢○輕○重○以○銖○凡○貨○物○出○

入○以○圜○法○均○而○通○之○故○貨○寶○于○金○利○于○刀○流○于○泉○布○

于○布○束○于○帛○金○者○言○其○質○刀○者○言○其○器○布○帛○言○其○用○

泉○言○其○形○古○錢○形○如○篆○泉○字○後○世○易○以○錢○字○故○泉○之○

文○借○爲○泉○水○之○泉○取○流○行○之○意○焉○周○景○王○時○患○錢○輕○

更○鑄○大○錢○重○十○二○銖○文○曰○寶○貨○錢○之○有○文○自○此○始○秦○

○錢○文○之○妙○



作八銖錢。文曰半兩。而珠玉龜貝銀錫之屬爲器飾。寶藏不爲幣。漢興令民鑄莢錢。薄如榆莢。米至石萬錢。文帝時更鑄四銖錢。除盜鑄。令武帝建元元年行三銖錢。五年罷三銖。鑄五銖錢。元鼎二年鑄赤仄錢。以赤銅爲其郭也。未幾廢。仍行五銖。王莽之亂鑄大錢十二銖。文曰大錢五十。又造契刀錯刀。旣而以劉字有金刀皆罷之。契刀有環如大錢。身形如刀。長二寸。文曰契刀五百。錯刀以黃金錯其文。曰一刀直五十。錯刻字也。而更作金銀龜貝錢布之品。令敢挾五銖錢者投四見五銖不宜廢。裔於是農商失業。食貨俱廢。建武閒允馬援之請。仍



鑄五銖錢。以第五倫爲督鑄掾。昭烈入成都。鑄直百  
錢。重四銖。文曰直百。孫權鑄大錢。一當五百。又鑄當  
千錢。民閒患之。晉初仍用五銖錢。元帝渡江。用孫氏  
舊錢。輕重雜行。大者曰比輪。中者曰四文。吳興沈充  
又鑄小錢。謂之沈郎錢。宋文帝仍鑄四銖。議者以國  
用不足。欲禁私銅。范泰諫止之。其後有二銖錢。無輪  
郭。不磨翦鑿者。謂之來子。尤輕薄者。謂之荇葉。沈慶  
之啓通私鑄。錢貨亂改。一千錢長不盈三寸。大小稱  
是。謂之鷺。良錢劣于此。首。謂之延。最錢入水。不沈。適



之梁武帝鑄女錢。徑寸五銖。無輪郭。郡縣皆通用。又有太平定平雅錢。三吳行之。又有對文錢。豐貨錢。謂之男錢。言婦人佩之。則生男也。普通中。盡罷銅錢。鑄鐵錢。人以鐵易得。私鑄更多。所在山積。交易載以車。不復計數。陳初始廢之。改鑄五銖。宣帝大建中。鑄大貨六銖。以一當五銖之十。民以爲不便。嶺南諸州。多以米布交易。俱不用錢。隋文帝更鑄新錢。背面肉好。皆有周郭。文曰五銖。又于揚州、并州、鄂州、益州各立



五。鑪。鑄。錢。奸。猾。愈。多。錢。益。輕。薄。濫。惡。大。業。以。後。或。剪。  
鐵。鑠。裁。衣。糊。紙。以。爲。錢。相。雜。用。之。唐。武。德。四。年。鑄。開。  
通。元。寶。錢。每。一。千。重。六。斤。四。兩。得。輕。重。大。小。之。中。其。  
文。歐。陽。詢。書。時。稱。其。工。先。上。後。下。次。左。後。右。讀。之。自。  
上。及。左。迴。環。可。通。流。俗。謂。之。開。元。通。寶。錢。肅。宗。時。以。  
第。五。琦。請。鑄。乾。元。重。寶。錢。憲。宗。以。錢。少。禁。用。銅。器。武。  
宗。廢。浮。屠。法。李。郁。彥。請。以。銅。像。鐘。磬。鑪。鐸。皆。歸。巡。院。  
鑄。錢。周。世。宗。令。民。閒。銅。器。佛。像。悉。輸。官。給。其。直。謂。侍。  
臣。曰。卿。等。勿。以。毀。佛。爲。疑。佛。志。在。利。人。雖。頭。目。猶。捨。

快。事。特。爲。詳。述。



以○布○施○若○朕○身○可○以○濟○民○亦○不○惜○也○宋○初○錢○文○曰○宋○  
元○通○寶○太○宗○時○親○書○淳○化○元○寶○作○真○行○草○三○體○自○後○  
每○改○元○必○更○鑄○一○東以○年○號○元○寶○爲○文○仁○宗○中○改○號○寶○元○  
文○當○曰○寶○元○元○寶○詔○學○士○議○俄○特○命○以○皇○宋○通○寶○爲○  
文○慶○曆○後○復○冠○以○年○號○神○宗○中○皮○公○弼○請○鑄○折○二○錢○  
未○幾○又○請○鑄○鐵○折○二○錢○皆○從○之○徽○宗○令○陝○西○鑄○折○十○  
銅○錢○大○觀○中○改○爲○當○三○孝○宗○鑄○當○二○小○平○錢○寧○宗○卽○  
荆○州○鑄○當○五○大○錢○皆○不○如○五○銖○之○便○故○自○元○明○以○來○  
不○可○易○也○楮○幣○起○于○唐○憲○宗○時○飛○錢○合○券○特○以○通○商○



賈之厚。賈貿易者。蓋執券以取錢。而非以券引爲錢。明○晰○  
也。宋真宗時。張詠鎮蜀。設質劑之法。一交一緡。以三  
年爲一界而換之。六十五年爲二十二界。謂之交子。  
高宗時。侍郎錢端禮造會子。內外流轉。其合發官錢。  
並許兌會子。輸左藏庫。邱氏曰。宋朝交子。在是更名  
會子。又謂之錢引。謂之關子。謂之關會。其實則一蓋。  
不○能○通○  
直以紙爲錢矣。金循宋四川交子法。置交鈔。自一貫  
至十貫五等。謂之大鈔。自一百至七百五等。謂之小  
鈔。以七年爲限。納舊易新。其後不拘年數。字有昏者。



方○換○之○元○世○祖○始○造○交○鈔○以○絲○爲○本○每○銀○五○十○兩○易○  
絲○鈔○一○千○兩○後○又○造○中○統○元○寶○鈔○行○之○既○久○物○價○騰○  
踊○民○用○匱○乏○至○以○鈔○十○錠○易○斗○粟○不○可○得○明○時○猶○以○  
銅○錢○及○鈔○相○兼○行○使○而○錢○之○弊○在○于○僞○鈔○之○弊○在○于○  
多○則○以○其○用○紙○爲○之○所○費○之○直○不○過○三○五○錢○而○以○售○  
人○千○錢○之○物○宜○其○用○之○不○能○久○也○錢○法○貴○得○其○中○秦○  
時○八○銖○失○之○太○重○漢○初○榆○莢○失○之○太○輕○惟○五○銖○爲○最○  
善○五○銖○之○後○或○爲○赤○仄○爲○當○千○爲○鵝○眼○縑○纒○爲○荇○葉○  
不○知○幾○變○惟○唐○之○開○元○爲○最○善○夫○重○錢○之○患○在○于○難○  
取○其○中○



用而難用爲無累輕錢之患在于盜鑄而盜鑄爲禍  
深自古以來論錢法者多矣惟南齊孔顗所謂不愛  
弊○之○法○銅不惜工二語誠萬世鑄錢不易之要道也銅無所  
惜工無所愛則其錢之爲錢體質厚而肉好適均製  
作工而輪郭周正本多而費重雖驅之使盜鑄亦不  
爲矣瓊山邱氏欲拘盜鑄之徒以爲工收新造之錢  
以爲銅本孔顗之說別爲一種新錢以新天下之耳  
目革天下之宿弊非無見也漢法非上林三官錢不  
行崔沔謂貴以通貨利不在多余謂官錢多則私鑄  
探○本○



自○息○惟○其○流○布○不○廣○故○奸○民○得○因○以○爲○利○我○國○家○錢  
法○盡○善○體○質○厚○重○磨○礪○精○工○宜○其○行○之○無○滯○而○近○局  
之○地○或○壅○塞○而○不○流○遙○遠○之○處○或○流○通○而○不○足○如○閩  
廣○江○浙○等○省○皆○苦○錢○貴○雲○南○又○苦○錢○賤○欲○將○滇○銅○購  
運○則○慮○道○遠○費○繁○似○當○于○湖○南○特○設○錢○官○開○鑪○鼓○鑄  
以○銷○滇○南○之○銅○裕○江○浙○等○省○之○用○廣○東○銅○礦○亦○可○開  
採○卽○于○閩○廣○之○交○命○官○開○鑪○併○買○洋○銅○鼓○鑄○以○裕○沿  
海○各○省○之○用○部○頒○錢○文○體○式○無○使○參○差○選○方○正○清○望  
之○臣○領○之○如○第○五○倫○爲○督○錢○掾○長○安○無○奸○巧○劉○晏○第



五琦領鑄錢使而江淮政平任得其人何奸弊之足  
患民殷國富海宇蒙樂利之休其爲利也溥矣

如彼泉流不流則民受其困然源之不清其流必  
壅法制不可不善也篇中原原本本斟酌停當君  
子之畱心國計軫念民生也如此



潮州風俗考

潮郡依山附海。民有雜霸之風。性情勁悍。習尚紛囂。風氣使然。其大較也。蘇子瞻作昌黎廟碑。謂潮之士皆篤于文。行延及齊民。號稱易治。當時樸陋。初開旋登。彬雅海濱。亦易。鄒魯之稱。所由來乎。歷年既多。流風日下。文士漸趨浮華。習奔競。先名後實。而鄒魯爲之一變矣。武士恣睢。倖擁節旄。搗剝富民。摧殘桑梓。衆皆欣而耀之。充健兒。結黨類。橫行市里。行伍貴于詩書。而鄒魯爲之一變矣。不農不秀。竄身公門。鄉民獄訟。恣其魚肉。



遂至煬竈藉叢威福橫于士夫而鄒魯爲之一變矣  
行伍之餘流爲闖棍似俠非俠瞋目街衢杯酒可代  
殺人一呼而聞百諾胥役之餘流爲衙僧爲訟師間  
有衿監靡然慕倣而刁訟之風熾不可遏矣鬻產告  
爭賣妻告奪俱是當時實事丐屍權爲父命蹻跣舉作賓賢樓閣空  
中千奇百怪至於水落石出鷸蚌俱傷尚懵然不知  
訟師之害已其亦可憐甚矣既不懷刑遂輕憲網而  
有包侵國賦抗拒征輸積逋連年妄希肆赦負氣喜  
爭好勇尚鬪睚眦小嫌卽率所親而鬩至以刀兵相



格如臨大敵。强者凌弱。衆者暴寡。而軟血拜盟之風。  
村村做做。多以豪爽。悞致殺人。因或藉命抄掠。自殺。  
圖賴。視爲奇貨。投繯飲鴆。刎頸沈河。曾不少顧惜焉。  
世家大族。輕蔑孤姓。呵叱若僮僕。之不如。及其積糞。  
成家交遊。恐後婚媾。論財弗遴。坦腹雖有賈董。韓歐。  
未可與素封者子較。一日短長也。好酣歌。新聲度曲。  
燈宵月夜。傳粉嬉遊。咿咿嗚嗚。雜以絲竹管絃之和。  
南音土風。聲調迴別。千金買笑。視同泥沙。遂有遊妓。  
蕩婦。駕一葉以當青樓。又或締戲蜚婦。風流自詡。廉。



恥道喪未有甚於斯也。羣聚酣飲。晝宵沈湎。無貴無賤。見賭則殉千金之宅。萬金之產。刻燭方寸。揭以授之他家。而有所不吝。輿夫菜傭。襦袴蕩滌。至于赤身。

親○兄○其○事○

冱寒衣蒲。向火紙牌在手。不忍棄置。大抵士庶之家。十人九賭。兵役之家。九人十賭。通都僻壤。無處無之。蓋習俗之浸淫久矣。賭博之餘。流爲盜賊。攘雞盜牛。穿窬胠篋。謂卑卑未足比數也。截途剽剝。取其貨而○丙○午○丁○未○年○間○事○劃其膚足底。龜紋曰防追捕。或則操舟溪河。禦人于郊關之內。結隊出海。攘客于重洋之外。又或入山招



匪盜剽礦砂金銀銅鐵鉛錫擅爲私家之故物逞強  
相奪霸踞壟口流毒地方爲害靡有涯焉酷信青烏  
家之說謂富貴出自墳墓沈迷風水爭訟盈庭椎埋  
盜骨凶惡無所不至而程大平鎮相尚屢遷葬後數  
年必發塚洗骸睇瞻凶吉至數百年遠祖猶然洗視  
不休雖讀書明理者亦恬不自覺其非則貪癡之陷  
溺然也信巫覡不重醫藥風寒暑濕動云命運衰低  
衝犯鬼物三牲酒果鼓角喧天富者連日貧者半晡  
士大夫家亦然耳罔極之喪置酒召客延僧禮懺開



冥路打地獄云爲死者減罪資福雖有賢良方正之

忍心害理

親亦必文致以剝磨舂燒之罪告哀於佛自以爲孝

不知其爲大逆不孝之甚者高堂無菽水之歡而齋

此風已數百年竟牢不可破矣爲之掩卷太息

僧布施盈千累百生死之交一錢推刃同胞骨肉半

畝訟庭獨捨田入寺千頃不以爲多建刹泥金萬鎰

猶以爲歎世風至此可痛極矣自昌黎公貶謫無聊

偶與大顛一接僧徒藉爲口實謬擬三書甚至肖形

無憫隱之心

廟壁誣以折腰拜服之狀士大夫不知忿恚隨聲附

無

和以爲實然共尊大顛爲祖師甚者凡遇禿廝皆呼



師父不思此何人也而師之父之所謂人心不死者  
安在乎佞佛之餘流爲好怪石或能言樹或能靈廁  
間古樞亦神亦仙酒肉香紙男婦趨若狂焉於是  
白蓮教天主教無爲教又有後天一教獨闢新奇男  
稱仙公女稱仙姑書符呪水治病求嗣寡婦見夫悶  
昏迷藥毒流遠近其敗壞風俗不可言也鬼怪盛而  
淫邪興廟祀多而迎神賽會一年且居其半梨園婆  
娑無日無之放燈結綵火樹銀花舉國喧闐晝夜無  
間擁木偶以遨於道飾裝人物肖古圖畫窮工極巧

惠來尚有之

此教專出潮湯聞



卽以誇于中原可也。婦女入廟燒香，朔望充斥，然皆

中年以上者。及歲時應節踏青步月，觀劇賞燈，少艾

結羣直排守令之闥，擁擠公堂，沸若鼎溢，遨遊寺觀。

跳叫無忌，不復知人間有男女之別矣。海濱之婦或

捕魚蝦拾蛤蠣以資生計，山城閨閣日陟岡巒，樵蘇

爲業，蓬頭赤脚，多力善耕，雖昧踰閭之戒，然瘠土民

勞亦其勢然也。秀妍頑蠢，諸邑不同。霜貞勁節比比

皆是。歌黃鵠殉所天，陷賊濺血視死如飴，誰謂巾幗

塲中遂無乾坤柱礎哉？下戶惡習，慕富憎貧，貌寢非

此風自石太守放燈起三十手不可破矣

程太平

節烈最盛

鎮皆然



甘糟糠弗願良人朝出蹇脩夕來則不當以人類日  
之者也。總之風俗因時變遷亦隨長上為轉移彰善  
癉惡樹之風聲實有不疾而速不行而至者唐虞之  
世司徒教以人倫夏后孟春邇人以木鐸徇于路豈  
好勞哉我

國家重熙累洽。

聖祖仁皇帝六十載德盛化神生民未有。

皇上宵衣旰食惓惓以民生風俗為首務。

聖諭廣訓一書為天地立心生民立命為往聖繼絕學。



萬世開太平。雖使堯舜復起。亦無以易。守令小臣。何幸身親見之。自奉

諭訓

以來。海澨山陬。共仰蕩平正直之王路。每當城鄉

市鎮。朔望宣講。父老扶杖而觀。童兒翹首以聽。歡忻

蹈舞。共興于孝弟仁讓之風。潛消其獷悍囂凌之習。

此○近○時○事○

日新月異。漸幾淳美。向之耨鋤德色箕帚。詬誶貨財。私妻子。不顧父母之養者。今則肥甘娛老。處處皆然。割股和藥。廬墓爲哀。海潮揭饒之間。不可勝數也。知兄友弟恭之爲美。雖未必皆真情篤摯。而一錢尺土。



諭

胞乳操戈亦駸駸乎鮮矣則敦孝弟以重人倫之  
旨爲之發蒙振落也營宮室必先祠堂明宗法繼絕  
嗣重祀田鄰省鄉親望門投宿罔有所靳歲時戚屬  
樽酒言歡率以爲常其於宗族鄉黨雖未必盡皆雍  
睦盡息爭訟亦庶幾有遵道之意焉農力于耕女勤  
于織高山亦種禾苗薯芋生于崖澗程繭潮紗潮毯  
麻葛諸布流行海內服食器用亦稍以驕奢爲戒若  
夫一擻千金傾家結客則十一邑中未見有<sub>切○中○潮○習○</sub>其人也  
工不甚巧而業則專商競刀錐航海者衆福建臺灣



寧波上海交廣海南日本諸番視若戶庭行險逐末  
雖非中道而志定于謀生靡有非分之叵測重農桑  
尚節儉務本業涵濡于

聖

訓者深矣曉事者耆含哺嬉遊牆陰樹下說古談今

講法律以儆愚頑者有之父戒其子兄勉其弟勿干

法網各保身家訓子弟以禁非爲者有之宵匪竄投

鄉閭側目旗人入境里社驚惶誠匿逃以免株連者

有之一朝之忿忘身以及其親此俗甚好可無宿怨兩口檳榔登時解釋

其有深讐宿憾亦可杯酒言消邇者命案已少其十



之六七解讐忿以重身命者有之明季士大夫驕橫太甚雷轟虎號莫之敢撓及乎亂離之後摧殘剝落小卒賤隸皆得易而侮之儒冠辱于泥塗迂腐供其談笑俗不重士士亦遂不自重同流合汙不可問矣

○句○來○積○習○

聖

諭懇懇士習遍方州而隆學校優其禮貌養其廉恥

有司以澹臺爲貴士子羞奔競勵名節非公不至長

如○此○乃○可○謂○之○士○

吏之庭卽有一二僧習未除嗜訟結蠹皆爲鄉曲所

不容避匿他郡赧還故土矣曩時潮士好以禪學爲

此○向○

來○第一○惡○習○

詩文貝葉梵音傾心高妙昌黎原道而後莫有以道



爲言者郭鄭二子

郭叔雲字子從  
鄭南升字文振

從學紫陽雖著述不傳

于世已爲嶺南絕響他若中離黃岡或從姚江講學

或遊白沙之門其學以良知致虛爲要不外陽儒陰

墨之宗旨道其所道非吾所謂道也自是而後高者

習爲雕蟲卑者沈于制藝茫然不知正心誠意爲何

物子臣弟友爲何事濂洛關閩爲何人弋獲科第而

已矣今則棉陽士子濟濟以聖賢自期待朔望衣冠

而拜先儒飭躬勵行而講正學妖書邪教殄滅廓清

不特儒佛之介辨之甚明且於朱陸異同言之歷歷



海陽學者亦多志道幸黃冠之消亡冀緇流之歇絕  
謂安得邑之寺盡如一邑之觀澄海遊僧鵬張說法  
果是快事  
一朝就縛士林稱快揭陽普寧程鄉惠來諸邑皆知  
程朱之正傳不爲異端所搖惑斯則經正民興吾道  
以手加額  
昌明之一大元會也文風之盛冠於嶺南三陽一鄉  
澄海饒平竟有經經緯史矩矱先正公然與江浙爭  
雄者卽以科名而論亦當百粵之半言忠言孝言禮  
言讓儒門恥於爭奪風尚爲之日躋則  
變化有由  
聖諭所謂黜異端崇正學者蓋已服膺親切而明禮讓



以厚風俗亦毅然油然庶幾欲求無悖於煌煌

大訓哉曩時健訟成習刁誣甲于寰區潮陽詞狀日投

一千八百楮海陽揭陽五七百楮其他或三四百或

一二百多寡不同未有在百以內者今已各減其十

之八訟師藏頭靡耳有散而之四方者

聖諭再迪數時誣告可以盡息而善良咸歌樂利也曩

時竊劫盜賊從橫遍野水陸皆戒心之地今則狐鼠

革面郡邑俱已肅清行旅恬於戴星夜戶可以不閉

保甲之效亦既彰彰若此矣曩時逋賦成風紳衿大



豪較小民爲更甚。是以捐籍雍膠亦甲天南。諸邑監生多者至二千人。次者千餘人。最下亦數百人。恃護符。撻催差。捨命催科。不能完十分之五六。今則紳士皆踴躍輸將。急公以爲民望。本年糧米如普澄惠埔平鎮諸邑。或入秋卽已通完。或冬臘並可廓清。海揭程饒皆在九分以上。雖以潮陽之積逋難追。亦于十月之內清至八分有奇。比及奏銷報最。綽綽此從來未有之事。皆由聖諭深切著明。有大發其羞惡之心。天良一動。嚮化。



如流。以至。此也。向來惡俗洗滌淨盡者有三。曰賭博。

曰私宰。曰盟歌賭博之弊。拔根塞源。造售賭具者無。

有矣。私宰之輩。投刀改業。卽以一金市一羴牛肉。無。

有矣。盟歌之儔。雪消見曉。併強宗闖俠。好勇鬪狠之。

風亦大爲斂戢矣。遊娼戲婦。咸逐出境。私蟹外淫。並。

爲厲禁。蕩舟沈湎。歌舞嬉遊。皆自知羞愧焉。惟喪事。

供佛飯僧。信巫尚鬼。遷塚洗骸。賽會燒香。遊燈奸戲。

重富輕貧。趨炎附熱。此則習俗所未盡蠲者。力行。

聖諭仁漸義摩。沐浴于道德齊禮之中。有不回心嚮道。

數年。浸淫已久。難以猝變。姑徐俟之。

向來此三者最盛。



以幾時雍風動之化無是理也敬錄

聖諭廣訓書永垂方策以爲移風易俗之心傳俾千秋

列入此書具見移風易俗一片熱腸百

百世爲司牧者知所準則焉

前半言潮俗習染之深後半言潮人變化之速自  
是天成杼柚大開大闔無微不至龍文百斛鼎筆  
力可獨扛於今見之







鹿洲初集卷十五

章浦藍鼎元玉霖著

衡山曠敏本魯之評

賦  
檄  
銘  
箴  
贊  
節略  
事錄

臨漳臺賦

試登漳城萬象縱橫停驂四望百慮環生地轄揚州  
之域野分牛女之星羣峯繞翠一水澄清雉堞萃  
烟井喧轟門因貢珠著堂以尊道名樓有喜雨之頌



閣有齊雲之稱。郡判曾爲留珮。君子於焉建亭。凡皆

○再○跌○取○勢○

錯落蔀屋之間。共藏風而聽月。未如雄踞高山之頂。

獨結瑤而構瓊。繫惟臨漳之臺。實擅丹霞之勝。基跨

龍首。形開鶴頰。規天矩地。竦峙方正。嵬峩岌嶭。莫之

○琢○句○

與競。遂偃蹇而上。躋過雲霞於膝脛。可以望氛祲。察

災祥。順時敷政。時觀遊節。勞逸省風。布令覩茲下土。

○太○平○清○趣○

之有幹。有年何妨。耽樂而以觴。以咏爾乃東望岐山。

竹節清泉。萬松鳴鶴。嶄巖蜿蜒。鐵甲之崖。方峭壁。鴛

○點○染○極○工○却○無○脂○粉○氣○

鴛之樹。欲參天赤嶼。流丹來海嶠。白雲舞練於日邊。



至如南望郊關。清溪橫帶。雙橋卧波。似龍兩。大霞山。  
環水雲之館。洲荷張刺史之蓋。綠楊垂柳。恍忽章臺。  
虎洞獅巖。備極一方勝槩。又如眺望西北。岡巒騰複。  
湖光潋艷。山際流瀑。天寶珠飛。龍江漁匱。圓山康叟。  
之祠北溪安卿之屋。瞻天柱如培塿。俯歐寮若寸木。  
皆廻環於臺下。使我臨風而躑躅。於是思今弔古。設  
想噫嘻。紫陽涖漳之日。吾道南來之期。則斯臺也。爲  
講學明禮之區。固與靈臺重壁。互相等夷。而非一柱。  
九層敢共馳驅。若夫登斯臺而恤民隱。則有柯判感。



鵲之精誠登斯臺而談兵事則有姚侯平海之戰征

劉表呼鷹未足方其意趣項王戲馬詎足比其英聲

沈雄老健

亦有倒懸之士羨黃金於易水愛花之客慕避風以

徙倚歲時士女遙道容與管絃嘯歌雜遝羅綺汝酒

既清汝殽既美我呼得盧子呼得雉絕類桂宮走狗

掃去一切

之風依稀廣陽鬪雞之鄙余獨立臺上兮忽超然而

極懷慨歷落之

徜徉視千峯之俯伏兮神欣欣而樂康疑日月之可

接兮羗舉首以昂藏望鵬鯢於北海兮振鳳凰於高

太平得意景象

岡覩萬家之烟火兮喜桑麻之青蒼但覺耕食鑿飲

神味



羣黎之皞皞兮孰辨夫堯臺與臨漳

有文選之華而不至於靡迴異六朝胭脂氣習後  
幅說到講學明禮民隱兵事具見滿腔熱腸絕大  
本領固不徒與登高作賦者爭榮華於旦夕也



本論固不封典登

正

上

訓儲性精學

具

育文對之華而不至

聖德多難



擬諸葛武侯伐魏檄

建興五年

蓋聞君臣大義萬古爲昭不臣當誅千秋常典是以  
蚩尤作亂軒轅有涿鹿之兵防風弗懷文命有會稽  
之戮少康一成一旅亦滅過戈召虎來旬來宣遂平  
江漢趙盾縱賊董狐筆曰弑君陳恒作奸孔子聞而  
請討誠以天冠地履分位截然見無禮於其君如鷹  
鷂之逐鳥雀不容亂臣賊子胡行於光天化日之下  
也曹操以譙東臯雄逞穿窬之智假倡義兵暴寡脅  
弱逼遷乘輿覬覦神器跋扈專權陰鷲浮於董卓憑



陵造孽跳梁等之黃巾乃自爲將軍改丞相封魏公  
進魏王目中全無君父矣復自加九錫僭車服建宗  
廟立社稷天下有此人臣哉桀驚之形日甚一日篡  
奪之勢夕不俟朝滿布爪牙摧排善類中外惶惶若  
挾蛇虺雖齊田魯季晉室六卿未有若斯之橫也於  
是孝愍先皇帝切齒痛心密傳衣帶之詔百官裂眚  
怒髮共議市朝之誅方謂刺趙高於秦廷殲少卯於  
魯觀殄除逆黨肅整朝綱詎意偶洩機謀頻遭反噬  
董承死節耿韋竭忠甚至操戈犯闕弑后妃於天子

○精○卓○有○情○  
○寫○出○老○瞞○窮○光○極○惡○



之前仗劍入宮戕皇嗣於朝廷之上罪逆滔天古今  
無比猶且妄擬文王污蔑先聖哀哉無忌憚也拔舌  
有餘辜焉雖賣履分香如鬼如蜮豈天下後世可堪  
欺罔賊子丕世濟兇虐繼操之志行莽之事攘奪玉  
璽傾覆金甌華歆王朗之徒舐糠餵餌賈詡陳羣等  
輩澤吻磨牙遂使巍巍御座上據野狐濟濟王官下  
拜闡孽二十四帝沐雨櫛風之社稷一朝頓移四百  
餘年尊賢養士之國家萬死莫贖嗚呼痛哉猶幸天  
未絕漢民思舊德我昭烈皇帝繼統西川存復祖業



卽欲捲旆北征誅夷叛亂而國家多故匪遑離局大

志未遂中道崩殂是以吞舟漏網未正司敗之刑負

嵎稽誅致效夜郎之大亮受先帝托孤之重夙夜冰

兢誓討國賊而老奸天殛小猾數終無由馘操禽丕

傳首以謝天下惟當滅曹興漢鞠躬以報聖朝曹叡

黃口乳臭冥頑無知襲父祖之餘兇孽非已作忘宇

宙之名器情亦可原但文繡雖華非彘盧所應婁曳

八珍雖美非蛙蚓所得鹽酣自有開闢以迄今茲未

聞跼蹐終奸天位誅寒浞於窮門非得已也嚮新莽

幹旋得好

老勁

故寬一步以欣動其自新

愈逼愈緊以見



於○長○安○此○其○時○矣○亮○奉○皇○漢○威○靈○嗣○王○明○命○大○舉○貔○  
貅○以○除○螻○螳○鼓○輦○動○地○雷○厲○而○風○飛○刀○戟○連○天○日○臨○  
而○月○照○將○以○忠○義○勝○吞○強○寇○如○屠○匹○雛○兵○以○節○制○強○  
靖○邪○氛○若○掃○秋○穰○逆○不○敵○順○暴○豈○當○仁○震○疊○無○前○蕩○  
平○有○日○爲○此○特○申○大○義○布○告○中○原○凡○汝○從○賊○官○民○孰○  
非○大○漢○臣○子○或○膺○累○朝○之○寵○命○或○受○先○帝○之○弘○恩○因○  
迫○脅○而○事○仇○知○非○本○願○相○事○機○而○報○主○寧○罔○懷○忠○倘○  
能○殺○賊○來○歸○卽○膺○上○賞○若○將○全○城○獻○納○且○錄○崇○勲○前○  
徒○倒○戈○血○流○何○須○於○漂○杵○首○稽○崩○角○迎○師○無○藉○乎○簞○



壺苟曹叡能蓋前愆。自知罪戾。乘天兵之未至。去僭  
號而乞降。則解縛焚櫬。貸厥餘生。畀之侯封。以存先  
祀。亦非大漢之所吝嗇也。司馬懿父子及諸夏侯等。  
吠堯非主。皆忠所事。本朝寬大。咸與維新。竝虛上卿  
之位。待以家人之禮。幸卽幡然悔悟。叩我軍門。無以  
曹氏親暱。自生疑畏。崑岡之炎。火予亦何敢爲此。  
心逞螳臂。以當車汝甘。自罹于死地哉。其師旅所過  
地方。秋毫無犯。農安隴畝。賈安市廛。如舊營生。不必  
驚悸。凱旋之後。復爾征徭。第殲渠魁。以洩九廟祖宗。

得體

如見湯武行師氣象



之憤式除逆醜。用慰萬方億兆之情。俾遠邇州郡悉知此意。早圖革面。免致噬臍。此檄。

陳琳一檄止罵得半截。曹操未足以快人心。是作淋漓盡致。併其子孫亦罵及之。可補陳檄所不逮。後幅和平寬大。而有駿厲嚴肅之氣。自是王師體裁。



為

外郎喻平定大面作詞詞賦詩書之品自是上禮

於焉為詩詩於千載而後之天下辭意雖極不

斯一增北溪詩千載而後之天下辭意雖極不

中酒事而後之天下辭意雖極不

人少人少人少人少人少人少人少人少人少人少



巨硯銘

聖○之○仁○者○也○恰○切○是○硯  
鐵○面○石○骨○磨○礪○一○世○吐○納○煙○雲○揮○灑○天○地○既○以○重○而○  
威○者○固○吾○學○復○續○密○以○栗○而○潤○澤○之○光○被○禮○樂○刑○政○  
蘊○諸○中○而○裕○如○仁○義○道○德○取○之○懷○而○咸○備○遇○堯○舜○則○  
安○安○以○陳○謨○逢○湯○武○則○憂○憂○而○作○誓○在○杏○壇○刪○述○六○  
籍○磨○而○不○磷○實○居○弟○子○之○班○及○考○亭○註○疏○經○書○沈○浸○  
醲○郁○若○好○友○之○不○可○須○臾○離○胡○爲○乎○入○塵○埃○之○羣○任○  
童○兒○以○磨○涅○粹○焉○擲○地○作○雷○聲○保○無○瓦○全○之○是○悖○吾○  
將○借○羲○之○之○池○濯○爾○顏○之○俗○氣○爾○其○息○交○絕○遊○與○吾○



借隱於深山茂林之際理杏壇之故業追考亭之高  
○將○註○經○而○修○史○  
志唾珠噴玉垂華袞鈇鉞於千秋將使龍尾馬肝若  
夏瑚商璉彝鼎球圖之重器

此是非常之硯乃唐虞三代法物無所不裕如者  
聖賢爲徒豈畏童兒磨涅哉守先待後專在此矣  
字字精切匪夷所思



墨海銘

壬子夏仲余之端州長兒雲錦從將遊七星巖而不  
果購得一墨海以歸甚樂之乃爲銘銘曰

勝于星岩多矣

端溪石出巖解雕爲圓硯名墨海潤澤起烟雲觀者  
疑鼎鼐形似太極分陰陽又若中原環四澥雅量要  
寬深可爲世模楷容墨數斗筆如椽大書特書生光  
彩何羨乎崧臺室七星巖對茲片石足千載

中有一不朽盛事在

古雅適逸實大聲宏



古鼎

宋同美

其下

其最

其出

果制

予子

卷之三



古琴銘

童年有志琴學。苦無師長。欲聞聖人之道。覺日夜孳孳。不遑復他及矣。已酉夏日。獨坐土室。鄉人寄古琴。贈余梅花斷紋。遍滿腹背。中間有文曰。碧泉不知爲何代法物。俾余學之以解慍。余曰。噫。何慍。吾自樂其樂。非人所能使之憂。造次顛沛。心常自得。不啻太和。洋溢宇宙也。雖然。古琴難得。不可以虛人之賜。命兒曹學之。旣成而鼓。我心益陶陶然。乃銘曰。我自賞音。不問鍾期。高叟洞中。白石澗湄。焚香靜坐。



結想黃義一彈再鼓我心則怡

和平靜雅有光風霽月玉色金聲氣象

非人祇道對之憂豈大興報心常自誓不習太叶

何外哉對對余學之心賴謝余曰觀何謝吾自樂其

韻余耕芥澗綠盛齋題青中間有文曰吾泉不味為

率不豈對對父矣乃西良日獨坐土室漸入寄古琴

童平育志琴學苦無神其焚開聖入之直覺日對琴

古琴

古琴



劍銘

少時好劍。弗可得。命工鑄青萍尺許。佩之。友人嗤焉。  
旋亦棄去。已酉。遭難。誦古人欲請尚方斬馬劍之語。  
甚壯之。適有以紅彝劍見惠者。名曰秋霜。光閃閃如  
掣電。喜不自勝。遂拔起舞。覺胸中浩然爲之一快。乃  
銘曰。

心有懷。請尚方誅奸黨。掃欃槍。美人贈我紅彝劍。極  
目閃電名秋霜。但把太阿持在手。僉壬膽落民庶康。  
千秋太平如此日。挂之壁間好善藏。



寥寥數語有割犀斷蛟手段

目閱事各

卷一百一十五

二

三

四

雙喜不自知

雙喜不自知

雙喜不自知

雙喜不自知

雙喜不自知

雙喜不自知

甚堪之龜市心

甚堪之龜市心

甚堪之龜市心

甚堪之龜市心

甚堪之龜市心

甚堪之龜市心

或亦棄去弓西

或亦棄去弓西

或亦棄去弓西

或亦棄去弓西

或亦棄去弓西

或亦棄去弓西

少知我險境下

少知我險境下

少知我險境下

少知我險境下

少知我險境下

少知我險境下



持敬圖自箴

與○醒○

夫○夫○也○少○不○自○量○夔○高○為○徒○先○人○教○之○誦○法○程○朱○循○

○商○正○脉○

分○盡○性○匪○蠟○匪○拘○從○容○深○造○為○君○子○儒○長○遭○坎○壅○牛○

馬○馳○驅○學○殖○荒○陋○浪○擲○居○諸○繫○心○民○物○罔○顧○擲○掄○流○

離○顛○沛○謬○學○著○書○兢兢○寡○過○惴○惴○昏○愚○立○誠○持○敬○寢○

○大○道○浩○浩○何○處○存○肩○

食○與○俱○試○思○天○地○之○廣○大○載○籍○之○紛○如○至○道○之○弘○遠○

○所○謂○學○如○不○及○

聖○學○之○菑○畬○雖○假○汝○彭○聃○之○歲○尚○孳○屹○不○見○其○有○餘○

○也○

○古○雋○

何○半○生○之○錄○錄○至○此○始○愧○汗○於○勤○劬○雖○然○猶○未○也○古○

○悚○惕○

人○寸○陰○是○惜○既○毫○而○好○學○不○渝○尚○及○今○夙○夜○黽○勉○庶○



幾○乎○不○自○暴○棄○以○明○善○而○復○初○

篳○篥○好○學○望○道○未○見○苦○衷○躍○躍○紙○上○粹○然○儒○者○之○

言○也○古○雅○清○健○自○其○剩○技○



訪道圖箴

陳雙山海陽詩人也。年七十六矣。篤於學。爲潮中老  
名士。鄉人多宗之。然好浮屠。自以爲得其秘。私謂余  
同年友蔡世厚曰。藍公惜不信佛。我當携佛書示之。  
世厚曰。先生欲焚佛書。則可。不然。不可。令藍公見也。  
雙山乃止。然猶有援入意。一日出訪道圖小像。命書  
數語。余曰。善。遂爲之箴云。

此老不聊圖新面目。遊心浩渺崆峒之麓。文繡弗華。  
曳彼道服。杖頭錢盡。葫蘆繩束。駕言訪道。徘徊躑躅。



道不遠人

正道不待外求數語盡之

當身自足日用倫常放則彌六至誠盡性

其次致曲用舍行藏與時伸縮胡爲遑遑誰訪誰逐

此老聰明有書滿腹長吟短章稿幾盈屋豈厭盛名

將趨靜穆抑昔詩人逃禪成俗

明正其非不可一

將趨靜穆抑昔詩人逃禪成俗彼學虛空如入幽谷

日姑容

人人火書惟恐不速此老大賢詎爲所梏寫意適情

不拘方幅左無黃冠右無緇禿固知二氏非其所欲

身○上○不○放○走○入○天○竺○去○

春風沂水亦翻新局觀者無誤謂求天竺

障百川而東之迴狂瀾于旣倒此維持正學一片

苦心非苟作也



畫鷹欺熊箴

余所見古今名手畫鷹者衆矣大抵類正鵠繡羽毛

鮮可觀也玉山佈置超脫有勢有神鐵榦梅花踞棲

得意又作一熊趨樹下彼此相照似極惶急奇情余頓怪

此鷹強梁不覺動抑強扶弱之興援筆袒熊主反爲

客此則玉山之能移我情也筆墨之妙一至于此可

愛也夫爲箴曰

鷹犬之才眈眈熊羆之彥得無有妬心乎汝旣居高

臨下可肆搏擊彼亦自忘雄健靡然而趨豈其智不



足力不敵哉。高卑之勢懸也。試思如熊如羆則折衝

禦侮。非熊非羆。則帝王之輔。豈汝輕薄羽毛所能攬。

挐而吞噬。况彼多力。趨捷肯困。草莽泥塗間。誠恥夫

飢附飽颺。如汝輩饒口。惟利是視耳。梅花初放。春色

方來。且各息爭機。從容相睇。各自樹立。何如。

熊豈鷹所能搏。但上下勢殊。有此惡狀。小人得志。

如此鷹君子失勢。如此熊。使平立交手。孰勝孰

負。吾不得而知之矣。



曾叔祖侍御紫濤公像贊

於戲此吾族祖紫濤公遺像也。公弱冠遊學粵東入海豐庠。登賢書。粵人訐而削籍。崇貞元年。詔改還閩籍。成進士。以家于粵。不忍去。卜居潮州之普寧。子孫遂爲普人矣。雍正五年。鼎元奉簡命出宰普邑。普中父兄子弟皆體諒遠嫌。鼎元亦未遑敦一本之誼。幸各守禮法。與仁讓無獲戾於普邑士庶。然此心缺然亦足見俗吏之不可爲也。罷官之後。乃步入祠堂。啓公像瞻拜焉。歲久蠹蝕。命工人



整而新之。爲贊曰。

赫赫直指。蹇蹇王臣。公忠爲國。康濟生民。觸邪排佞。不憚批鱗。明末宦寺。勢傾紫宸。公䟽搏擊。大璫王坤。

羣閹屏息。朝廷始尊。薦黃救魏。

薦起黃道周。論救魏呈潤。

威鳳祥麟。

海內拭目。治平可臻。法行自近。戚里元勳。驕驕權貴。

望風而奔。三邊驄馬。九野懽訢。大同宣化。遺澤今存。

梁督廷棟。失馭辱軍。公糾其罪。將士氣伸。出按三楚。

時事勞勞。萑苻遍野。藩封腥聞。民生其間。如溺如焚。

公心憂傷。不寐忘飧。日撫流寇。夜籌脫巾。王不可治。

精語可。



治其私人他藩猶可貪虐惟岷岷藩長史聽者驚魂  
吳氏從哲其惡無垠擢髮難數天日爲昏請誅諸市  
以快羣倫遭王反噬禍幾及身民懸可解身家遑論  
逆賊獻忠妄肆邪氛禽斬未能權施撫循旣撫復叛  
叛後更馴極知養虎非可相親冀獲掩捕如縛雞豚  
殫心竭血兔爰頻頻天不祚明人謀空慙鞠躬盡瘁  
可告蒼旻公之忠誠衝霄貫雲敬瞻遺像嚴厲直溫  
子孫珍重千秋不泯

小序簡質贊詞悲壯把侍御一生剛腸熱血氣魄



鬚眉俱一一繪出紙上可謂傳神之作



叔祖司馬時山公像贊

時山公富於學博通今古典故尤以詩名仕明爲職  
見幾而作

方主政見時事日非急歸田絕仕進念順治八年

孝受用

詔起復原官以母老辭不赴逍遙山水年八十餘猶

飲酒賦詩自樂鄉人以爲有陶靖節先生遺意云贊  
庶幾近之

曰

時山二字義本取此

聖人之學時中而已可仕則仕可止則止公在勝朝

宦情如水甫入中樞投簪還里急流勇退見幾知委

盛世蒲輪翹翹趣起有母年高難堪陟屺陳情終養



人稱孝子從茲息遊談經論史寄傲東郊閒觀耘確似靖節崑山片石坐臥徙倚有酒則醉登舟則艤隨興賦詩以蕉代紙遇景盤桓不知遠邇八十餘年靖節相似與時偕行江流嶽峙

脩潔俊逸有瀟灑出塵之槩



懷遠將軍劉輯侯圖贊

將軍楚人也。分節潮陽。潮之人安樂之。余以丁未冬。兼攝潮令篆。與將軍同城值。頻年荒歉。之後軍士乏。時勢艱危。方見本事。糧者半載懸釜。嗷嗷民間。岌焉賴將軍威德。深入人心。約束至善。是以軍士雖枵腹而罔敢越思。得以待。此是劉公之能處。余之來也。萑苻遍野。水陸道梗。將軍與余同心協力。晝宵擒鋤。二三十年漏網之盜。靡不搜治。廓清共事。行誼。歲餘未嘗以私干瀆。惟地方利害。侃侃商謀。佐余不逮者甚多。今潮人夜扉弗闔。商旅晏然。兵民相親如。



同昆弟皆將軍力也。余以狂愚致觸權鋒。遭吏議。軍

士憫西來糶穀。累余身家。願于月餉搭支。免余賠墊。

道憲樓公運來西穀一萬四千石。積貯潮陽。運官船戶沿途盜賣。買糶穀攬和。

應為賠補三千餘石。余查出奸弊。拿獲賍穀。併盜買犯証。繩船戶等以法。致蒙

憲怒。捏款揭叅。時方賠過一千二百石。尚有糶穀二千餘石。弗能代賠。潮陽海

門達濠三營目兵。憫余受累。願于月餉搭支。於是署事接任陳閔二同寅亦與

余分賠一千二百石。其餘○行○伍○古○道○大○為○難○得○自○是○德○教○古道之風猶存。行伍知將軍之德。

分配營兵支完。方得免累。教深矣。今當宁留意人材。將軍一舉一動皆超羣

類之表。旦夕遷大鎮。節鉞封疆。自其分內事耳。余既

愛將軍材武。重將軍之行誼。喜將軍惓惓民生為余

綏靖地方之知己也。於其圖而為之贊曰。

○忘○地○方○綏靖地方之知己也。於其圖而為之贊曰。

○到○底○不○綏靖地方之知己也。於其圖而為之贊曰。

綏靖地方之知己也。於其圖而為之贊曰。

綏靖地方之知己也。於其圖而為之贊曰。

綏靖地方之知己也。於其圖而為之贊曰。

綏靖地方之知己也。於其圖而為之贊曰。



偉哉將軍孔武且仁威鳳丰姿龍馬精神強弓大戟  
絕類離羣出入行陣虎吼雷奔五羊勞勩黃岡忠勤  
自來潮邑山岳生春伏莽革面夜吠無聞兵曰師保  
繪○出○兵○民○相○安○景○象○  
靡梗弗馴民曰父兄藹然以親惠澤公溥投醪飲醇  
帶牛佩犢沐德維殷樸誠直爽不事虛文言言要道  
步步率真胸有血性手無汚塵瘴江蜃蜮變幻煙雲  
清○操○  
風清日朗僅見斯人他年績茂追古大臣將移此圖  
繪之麒麟

平淡中有老潔之氣舟誼交情彼此關着非世人



一味浪贊者可以問津

風聲召喚歸來

卷之八

大和軍兵



壬午忠節略

據事直書

嘉死節也

建文壬午燕王棣陷京師羣臣不從逆而死者百餘人。文學博士方孝孺斬袞哭罵不肯草詔挾口錮獄。燔削先墓戮其九族皆不從。乃并坐其朋友門生廖鏞林嘉猷等爲十族。然後磔於市。坐死者八百七十人。三人。謫戍死者不可勝數。二少女被逮過淮連袂投水。弟孝友亦慷慨就戮。有取義成仁在此間之句。兵部尚書鐵鉉背立庭中。割耳鼻。爇肉令啖。不肯一顧。寸磔至死。罵不絕口。以油熬其屍。令內侍以鐵棒夾。

奇虐

好兄弟  
好二女



使北面油沸丈餘內侍手糜爛走屍仍反背老父母

安置海南二子編伍充匠尋皆見殺妻楊氏并二女

發教坊楊死二女終不辱後赦出適士人左都御史

景清植立嫚罵挾其齒血好血王袍剝其皮實以草繫

長安門碎磔其骨肉燕王過長安門索忽斷所械皮

趨前搏王王驚命燒之已而夢清仗劍追繞王座赤

其族籍其鄉村里爲墟禮部侍郎黃觀聞變投水死

亦束芻冠帽剄於市籍其家連姻黨百餘人皆謫戍

妻翁氏并二女配象奴翁及二女家屬十餘人俱投



淮清橋下死。監察御史高翔喪服不屈。沒產夷族。諸

奇虐無理。恐後世未必罵翔。

給高氏產者。悉加稅。令世世罵翔。親戚悉戍邊。又發

賊行

其先墓。雜犬馬骨焚灰揚之。以其地爲漏澤園。右副

都御史練子寧斷舌不屈。血書成。王安在。宗族棄市

者百五十一人。九族抄戍者三百七十一人。大理寺

丞鄒瑾京師陷自殺。亦夷其族。四百四十八人。僉都

賊行

御史司中召見不屈。以鐵帚刷其膚肉。至盡。姻婭同

死者八十餘人。大理少卿胡閏衰經不更。夷族不屈。

命力士以爪落其齒。齒盡而罵聲不絕。剝皮實草殺。



其家二百十七人。監察御史董鏞。姻族死戍者二百三十人。禮部尚書陳迪。抗聲指斥。與六子同磔於市。宗戚被戍者百八十餘人。千秋公論明于日照徹區區不二心。其衣帶中之句也。袁州太守楊任。籍產族誅親戚百餘家。皆遠戍。戶部侍郎卓敬。以不爲管仲。魏徵夷三族。太常卿黃子澄。少卿盧原質。監察御史魏冕。王度。巨敬。盧振。宗人府經歷宋徵。皆以不屈夷其族。御史鄭公智。以不屈故。戍其族。左拾遺戴德彝。不屈。將赤族。嫂項氏聞變。令盡室逃。獨身留。被械焚。



炙○遍○體○無○一○言○戴○族○乃○全○其○不○及○宗○族○親○戚○而○被○殺○  
戮○磔○械○棄○市○者○刑○部○尚○書○暴○昭○去○齒○斷○手○足○斷○頸○而○  
不○悔○郎○中○王○高○大○理○丞○劉○端○俱○滅○鼻○捶○殺○而○猶○謂○有○  
面○目○可○見○皇○祖○侍○郎○盧○迴○長○謳○受○刑○御○史○甘○霖○從○容○  
就○戮○連○楹○引○頸○受○刃○白○氣○冲○天○而○僵○立○不○仆○張○彥○方○  
暴○屍○譙○樓○暑○月○經○旬○而○顏○色○如○生○戶○部○侍○郎○郭○任○父○  
子○俱○死○兵○部○尚○書○齊○泰○駙○馬○都○尉○耿○璿○兄○弟○俱○死○副○  
都○御○史○茅○大○方○父○子○祖○孫○俱○死○青○州○教○諭○劉○固○父○子○  
兄○弟○老○母○俱○死○漳○州○教○授○陳○思○賢○率○六○生○哭○於○明○倫○



堂亦俱坐死。六生者：伍性、原陳、應宗、林珏、鄒君默、曾廷瑞、呂賢也。又有尚書侯泰、侍郎黃魁、胡子昭、給事中葉福、陳繼之、韓永、御史丁志駙、馬梅、殷長史、程通、龍鐔、博士黃彥清、按察僉事湯宗、知府姚善、葉仲惠、陳彥回、黃希范、同知周繼瑜、知州蔡運、神策經歷周璿，皆被殺戮，磔械棄市以死。其不屈而自殺者：吏部尚書張統、侍郎毛太太、常卿廖昇、僉都御史程本立、衡府紀善周是脩、谷府長史劉璟、御史林英、夫婦孝子高巍，自經死。給事中黃鉞赴水死，龔泰投城死，翰



林王良伏鴆死郎中譚翼赴火妻子自縊死浙江按  
使王良自焚死其妻先投水死中書舍人何申慟哭  
吐血死都司斷事方法投安慶江死樵隱指揮張安  
棄柴投水死工部侍郎張安國及其妻鑿舟自沈死  
寺丞周宗起及其子俱投琴川死永豐鄒朴教授劉  
政吏目鄭華不食死浮梁教諭王省觸柱死含笑於  
者。父一叙法地下不愧文天祥而御史曾鳳韶夫婦死矣翹首謝  
京國飛魂還故鄉而刑部主事徐子權死矣周粟豈  
不佳所見良獨偏而脩撰王叔英及其妻二女死矣



至於燕山衛卒東湖樵夫或日夜涕泣不食而斃或  
仰天大哭投湖中皆死者也其最可恨者身死而妻  
女分隸教坊配象奴若鐵鉉黃觀齊泰茅大方胡閨  
陳繼之姚善侯泰董鏞郭任謝昇胡子昭陳彥回牛  
景先等十數人皆遭此虐焉

論曰嗟乎此豈有人心者哉毀體磔身熬屍剝皮慘  
於炮烙隸教坊配象奴辱於剗剔紂之不善不如是  
之甚也嬴秦雖暴族不過三不聞其以十也發人之  
墓辱人之妻女盜賊之行也甲申之變完節者六十



餘人不聞李自成以此施之也。忠臣義士何代無之。未有若斯之慘且衆者也。開天闢地以來弑君篡國之賊喪心滅理至燕王棣極矣。因誌其大略以爲萬古之戒。

千古第一暴虐之案讀之而不傷心痛恨怒髮上衝目眦盡裂者非人也。千古忠臣義士百折不回亦以諸公爲第一讀之而不肅然起敬恨不得起其人于九原而拜之跪之者亦非人也。



入



臺將劉得紫陷賊不屈事錄

劉得紫字樹公其先直隸文安人有明中葉七世祖  
指揮均寓居遼陽遂籍焉我朝龍興遼陽首附收入  
正紅旗得紫伯父清泰總制八閩父朝英以甲午副  
榜授湖北江夏令卒于官得紫時方十二齡家徒壁  
立孤苦好讀書尤工騎射康熙四十七年八旗以騎  
射選引見得錄用由步軍校牛衆章京累遷至侍衛  
上神武善射百步穿鼓子百發百中顧羣臣罕有能  
及者命得紫得紫惟上意所適視鼓子中邊上下



左右命中不差毫釐。上大悅。自是每射必從。明年

補石匣守備。未幾遷山海關都司。復遷汀州鎮右軍

遊擊。五十九年調臺灣鎮中軍遊擊。秋七月抵任。訓

練有方。子兵字民臺人。敬且愛之。在臺九閱月。南路

崗山土賊朱一貴倡亂。夏四月二十有一日。聞報請

出師親往勦賊。鎮帥弗許。遣右軍遊擊周應龍以行。

越七日。兵敗。賊陷南路營。乘勝直趨政府。得紫偕鎮

帥率諸將弁分劄春牛埔禦之。晦日大戰。得勝。賊退

竿津林。五月朔日黎明。賊衆漫山寨野。分路俱集。得



紫獨當一面鏖戰中路口須臾兵丁王福舟奔報鎮

帥兵敗得紫急殺回春牛埔救應則總兵官歐陽凱

全軍點然應悔不早任得

水師副將許雲遊擊游崇功戰敗死矣賊四面攻圍

紫矣

得紫猶賈餘勇左衝右突奈衆寡不敵所乘馬爲賊

所殺遂被擒引頸受刃賊素重其名不忍殺得紫從

容謂之曰吾爲

生二氣

天子命官今日萬不宜有生理但求埋吾帥屍首死

恩誼並至

亦瞑目賊首黃日昇嘉其義聽之已復羈學宮朱子

字法簡

祠求死不可得賊與之言弗應遣其徒進食弗食餓



數日不得死同難漳浦人陳上珍見其不食不語日

永難卒度貽綱目三卷自卯至酉不釋手賊勸之降

厲聲曰汝輩要我順從快把刀割了頭去賊相謂曰

劉公忠義人從其便但戒守者不令出凡良民入省

視弗禁得紫猶不食七日仍不死把總張文學贊禮

生陳時遇揣其不食賊之食親為煮粥勸進得紫泣

曰食祿不分憂乘馬不濟難縱賊憐而生我何面目

見東寧父老是時羣賊不和將吞併諸生林臯劉化

鯉等言諸賊皆攘雞盜牛推埋烏合之衆亡可翹足

得紫真不死矣

恬雅得妙

情厚矣

奇

賊亦可謂



待乃稍稍進粥食延性命以待王師貢生黃國英民

得紫遭際多

人鄧世祿楊鼎龍等餽金錢衣服物食日相繼有不

奇

識名舊兵見得紫卧地移一床與之又有泥水匠贈

奇

更奇

氈褥亦不知其名六月十有六日大師攻克鹿耳門

復安平鎮得紫聞知大喜然守者益戒嚴十七十九

兩日戰鯤身賊復大敗得紫陰散賊黨去者半焉越

三日守者盡逃得紫因得出遂叩統師軍前請帶罪

立功募丁壯百五十人隨師征勦北路二十八日遇

生氣勃勃

賊于大穆降得紫奮勇先驅衝殺大敗之所向無不



一當百斬賊徒無算奪其旗械窮追至鹽水港閏月  
七日領兵接應溝尾庄鄉民圍捕賊首朱一貴等巨  
魁脅從皆就縛南北二路悉平臺郡士民以得紫爲  
奇也白其事于總統大帥請旌之以勵臣節

論曰劉得紫可謂從容就義臨大節而不可奪者也

結○出○憾○事○

崗山之役早以斯人行當必不至于此悲夫東寧禍  
殃蓋亦有天定焉士君子遭際不同或舍生取義而  
死或取義求死不可得而生其忠貞一耳得紫德容  
睟盜望而知爲端人正士余東征得覩丰裁愉快不



能自巳於其去也。思之深。因珥筆而書其事。雖然。君子愛人以德。得紫今後。或出或處。俱不可知。當念名節。旣成以第一等人物。自命無使後之遜。今則余文藉不朽矣。吾友何峯山將還中土。此行必見得紫。以斯言告之。

不降亦不死。天不忍棄東寧也。得紫所全多矣。好事者或猶以不死爲疵。議人之不樂成人之美也。甚哉。



卷之四

山陰縣志



鹿洲初集卷十六

漳浦藍鼎元玉霖著

衡山曠敏本魯之評

讀傳 書後 跋

讀西門豹傳

西門豹以河伯娶婦故。沈巫嫗三老於河。千古大快。  
通篇辯駁此語  
也。邠國賢乃以爲任術而未仁。何哉。夫仁莫大於愛。  
大道理  
民。愛民莫若順其欲而除其害。除數民害以生千萬。



民何所爲而不可且巫嫗三老歲歲爲河伯娶婦斂

民間數百萬錢而瓜分之所沈女子不可勝計天道

○天○道○王○法○總○不○可○赦○

好還絲杪不差殺人者死古今常法也今如國賢言

將教而誅乎抑教而遂赦之乎教而誅之其身總無

改過之日教而赦之是殺人之過可改則人皆曰吾

○亦○趣○

今日殺人明日改過不知爲令者將何以待之孟子

○老○吏○斷○獄○

曰是不待教而誅者其斯之謂無疑也雖然使豹明

牽巫嫗三老而戮於市亦未大快人心而蚩蚩者民

或以得罪河伯是懼惟漸次投之河若曰彼固歲歲



○言○想○極○奇○却○是○情○理○  
爲○河○伯○娶○婦○者○亦○可○因○此○以○爲○河○伯○酬○恩○之○地○河○伯○  
有○知○當○必○善○待○之○終○送○之○出○無○令○其○死○也○至○於○良○久○  
不○出○而○巫○嫗○三○老○竟○死○矣○則○河○伯○之○無○能○爲○可○知○矣○  
而○後○民○心○大○快○羣○疑○盡○釋○故○豹○是○舉○雖○近○於○戲○而○以○  
其○人○之○術○還○斃○其○人○之○身○至○當○不○易○非○婦○人○之○仁○所○  
可○同○日○論○也○

古今第一快暢事尚有從而訾議之苟非迂腐不堪則不樂成人之美耳數語折倒爽朗絕倫



對眼不樂為人之美耳幾臨此爾其陶然命

好今取一卦動事尚存於而嘗蕭之落非其意不

不同日論中

其人之漸數其人之良至當不思非欲人等曰其

而於月公大知筆致盡難姑休是舉難立於趨而以

不出而止雖三衣竟與吳限何由之無道為可味矣

有吐當必善於之終差之出無令其死也至於身人

為所計更誠者衣下因此以爲所計願思之此所不



讀田子方傳

一○揚○二○抑○老○氣○無○敵○

田子方高士也。然未聞大道。遺子思狐白裘而曰。吾

與人也。如棄之。子思曰。某雖貧。不忍以身爲溝壑。魏

武侯爲太子時。出遭子方於道。下車伏謁。子方不爲

禮。由斯二者觀之。殆亦不學之士乎。君子將以物與

人。必使之可受。奈何欲使人受棄物。無禮甚矣。且禮

尚往來謙尊而光。匹夫而非我奴隸。苟以禮來。將善

視之焉。有君之適嗣。下車伏謁。而不爲禮之理哉。貧

賤。驕人之說是未免。戰國遊士習氣也。聖賢舉動決



不如此雖曰子方嘗師卜子夏吾將以為未學云  
聖賢行事總在情理之中矯枉過正便非中道起  
子方於九原當亦無以自解

人又曰之可受素何益對人受素時無脈甚矣且脈  
脈曰二首勝之故有不學之士乎吾子然以脉與  
左司論太子和出數子才外道不車外歸子才不為  
其人必收業之乎思曰其難食不忍以良為難空服  
田子衣高士也然未聞大直貴子思然曰然而曰吾  
○一○對○一○性○於○原○論○端○



讀郭崇韜傳

○陡○然○而○起○全○神○俱○動○

拙哉郭崇韜之與故人子弟謀去也。莊宗取天下，崇韜以謀議佐命功第一位，兼將相而宦官伶人用事，將迷其君，敗其國。此大臣去邪遠佞，盡忠報主之秋也。崇韜自度其力能則誅之，不能則以死諫，又不能則挂冠出國門，惟恐不速。胡爲乎委曲觀望於其間而乃與故人子弟謀去耶？○唱○欲去則去何待謀？謀而後去，豈真欲去者哉？市里野人挺身將鬪，復從容而解衣，則旁觀一勸輒止矣。明胡靖欲盡節，呼家人飼猪。



君子知赴義之不果也。崇韜之不可不去。豈待智者謀之。莊宗耳淫於聲。目眩於色。宦官伶人。不可斯須去也。我不能使之去。而又不肯自去。鰓鰓若陰柔婦人。情狀千古。懷事多在此輩。寺妬嫉之。復口中喃喃危言。以惕之。彼自度邪正不兩立。且畏禍及身。欲其不先謀我也。難矣。故爲崇韜者。去則生不去則死去。而速則生不速則死。不謀可決也。故人子弟何爲。向使崇韜早乞骸骨歸田里。優游巖壑。絕口不言功。雖少伯子房亦何以過。而戀戀雞肋。百計彌縫。尚欲立功以自固。不思此日之功也。



復有加於開國佐命之上老復○一○噤○崇○船○有○知○當○亦○亞○然○饗顛倒一至於斯○呂獲○籠頭猶不知覺直至奸人矯詔五子同殃然後悔之○無及其冤可憐其愚更可恨也○雖然功名之際見機○大○賢○身○分○明決者有幾惟有道之君子斯用舍而皆宜余于崇○韜曷怪焉○

筆如百鍊鋼鑄作青萍劍犀利老辣所向無前而  
議論又極醇正起崇韜于九原亦不敢以爲苛也



其有不嫌以爲

林表疏而無

金而宜余

不嫌以爲

正于同

命



讀桑維翰傳

桑維翰在晉爲功之首實則罪之魁也。少時臨鑑自  
奇。賦日出扶桑鑄鐵硯以明不改業其志可謂遠矣。  
惜未聞事君之大道耳。蓋本正而後末順源清而後  
流長自古以來莫之能易。維翰結契丹以興晉棄鴈  
門十六州譬養虎而依之以食其遺犬彘犬彘盡則  
已亦隨之興邦之初大本已失又貪戀富貴善政無  
聞百計彌縫招權納賂其源不清故張彥澤利其貲  
產而束帛加頸景延廣一肆狂謀而負義侯封而晉

○譬○喻○切○當○

○推○勸○來○路○是○定○罪○根○由○



亡矣。則末不順流不長之明效也。悖而入者悖而出。理所必然。  
非此謂乎。茅鹿門曰。使出帝能傾心維翰。未必不可。此理甚明。非高論也。  
轉危爲安。余謂此說大謬。維翰興晉之日。已爲亡晉  
之日。豈至此而後知之。即使傾心維翰。毋絕契丹。亦  
不過苟延旦夕。曾奚益之有哉。無維翰則晉不興。晉  
不興。石氏亦不亡。先哲謂縱不得帝。猶於帝室爲甥。議論正大。切當聖人不易。  
舅。無論其僅不得帝。即使見殺於唐。尚始終不失臣  
節。何至辱身賤行。稱兒稱孫。爲契丹陪臣奴隸。又爲  
契丹所滅。亡貽天下萬世之唾罵。以養虎之犬。豈自



居哉功不足錄。罪不容誅。余不能爲桑維翰恕也。  
晉不興。石氏不亡。卽使見殺于唐。尚始終不失臣  
節。議論正大純粹。可息萬世跋扈邪心。是大有功  
於名教也。



此谷錄也

不亡先哲遺教不得而消於世

龍麟瑞五大錄韓下身萬世

晉不興臥乃不亡明則錄于

孰是也。不。只。粒。罪。不。容。藉。余。不。謂。為。桑。錄。錄。也。



書淮陰侯傳後

淮陰侯之冤前輩論之詳矣。余謂當日情事高帝未  
嘗不知之。特畏惡其能不勝褊刻之見。姑爲是昧心  
舉動耳。不然以謀反大逆之人。恨不得立膏斧鑕。豈  
容赦罪封侯。又與從容談論遲至五六年始殺於婦  
人之手哉。教之反者尚可免烹。帝固知信之實心事  
主不聽人言也。然則信非呂后亦未必遂夷三族。蓋  
帝雖惡其能。猶知其心后惡其能。則直恐爲他日外  
戚之患。將使劉氏不可危。呂氏不得措手足。所以切



齒忍心必急急焉除之也觀於彭越之死亦由呂后

確証

高帝甫崩卽與審食其謀族諸將意可知矣女子  
人之禍人國必先毒螫其羽翼墮壞其柱礎然後可  
以爲所欲爲而無復顧忌惜高帝在其術中而不覺  
也○以一念之褊刻釀惡婦之亂階社稷宗廟幾至覆  
滅○嗚呼可不懼哉○

爲當時君臣夫婦定讞語辣極快極固是有功綱  
常之文



書諸葛武侯傳後

武侯去顏孟五百餘年。蓋當道統復續之秋。應聞知。

論

推原允當

景運而起者。雖遭時不幸。弘濟艱難。不得專一其功。闡明身心性命之學。然行道之君子。又不必與明道者較論議短長也。況戒子書精微廣大。正議二表百世可師。直補經傳所不及哉。出處似伊尹。忠誠似周公。學問似顏子。三代以下第一人之目。明道君子咸推之。卽以躋之不阿臯萊望散之班。吾未見其不可也。是宜從祀至聖廟庭。俎豆萬世。乃千五百年之閒。未聞



有議及此其亦不可解已兜○轉○定○案○然斯道斯人不容泯沒後當有舉而行之者

伯仲之閒見伊呂第不識伊呂處孔明之地又從何處措手此亦鄙人難破之疑團也孔明若在終當一統先儒應不欺我陳壽之推尊曷足道哉○從祀廟庭今果然矣足見盛世之無幽弗闡而當年握管時亦若有先見之明也



書王弼州完壁論後

蘭相如趙之能臣也。歸壁一事。余亦無取。弼州之論。可謂先獲我心矣。一壁何足爲重輕而行險以徼幸耶。孟子曰。諸侯之寶三。壁不與焉。又曰。寶珠玉者殃必及身。趙豈未之聞與。趙有壁而秦生窺伺之端。壁之能爲國禍也。璧子秦猶之嫁禍於秦。趙未爲喪寶也。使趙自度能支秦。則壁可無。予自度不能支秦。壁何必不予。而相如純以詭詐用事也。何居。雖秦虎狼之國。不足言理義。然君子不可使曲在我。相如旣使

割然以解

語揭破

矯捷

縱一筆



之○齋○戒○設○九○賓○又○懷○而○逃○之○當○是○時○秦○未○嘗○明○言○不○  
予○城○也○業○召○有○司○按○圖○指○十○五○都○予○趙○雖○詐○也○而○詞○  
實○順○是○曲○仍○在○趙○也○秦○不○得○璧○又○不○殺○相○如○則○秦○寬○  
弘○甚○矣○萬○一○秦○王○大○怒○立○誅○相○如○殺○身○無○益○於○人○國○  
且○有○反○覆○之○名○亦○足○羞○哉○趙○之○有○璧○與○有○相○如○孰○緩○  
孰○急○何○不○思○之○甚○也○君○子○不○貴○幸○成○之○功○余○終○不○謂○  
之○智○而○謂○之○不○知○本○

忽縱忽擒句轉字折直令狡儉無處躲閃矯若游  
龍快如疾隼文筆固不可測



書伐魏檄後

○着○實○可○惡○

平生最惡曹孟德每聞三家村豎儒稱為魏武帝必  
徵色發聲唾其面而奴之操雖覬覦漢鼎終其身未  
嘗為帝無端千百年後奉以武帝之稱何其善媚○無○謂○極○矣○  
賊耶帝者天下之主豈可以此名為盜賊之所好而  
遂如其願而稱之在丕家臣僕以媚丕者媚操則然  
後世讀書君子何因而媚則王莽李自成之父皆將  
以帝稱之乎丕雖自帝亦莽自成之儕偶學者不帝  
莽自成而獨帝不蓋徃於前人之悞未及改正不知



紫陽綱目大書特書千載名分已定豈應復因循謬

○筆○下○斬○截○

矣○白○居○名○教○之○罪○人○故○以○直○則○曰○曹○丕○愛○其○詩○文○則○

稱○曹○子○桓○論○其○國○事○則○稱○魏○主○丕○無○仍○稱○文○帝○之○理○

况○操○本○未○嘗○自○稱○又○何○煩○小○輩○之○魏○武○之○耶○竊○歎○漢○

○感○慨○悲○涼○聲○淚○俱○下○

家○不○造○昭○烈○之○賢○弗○亞○高○光○孔○明○天○生○王○佐○伊○周○呂○

召○之○徒○又○有○關○張○熊○虎○諸○將○爲○之○輔○翼○終○不○能○興○復○

一○統○僅○存○正○朔○於○巴○蜀○南○蠻○之○間○則○以○中○原○地○利○皆○

○千○載○餘○恨○

爲○賊○人○所○據○無○一○得○展○手○足○耳○忠○臣○義○士○百○世○下○猶○

爲○傷○心○曹○氏○父○子○之○罪○不○可○恕○也○明○矣○陳○琳○一○檄○余○



所○最○喜○恨○其○時○操○惡○未○著○僅○詈○及○三○分○之○一○尚○爲○干○  
古○憾○事○因○思○武○侯○出○師○仗○義○正○名○似○當○移○檄○州○郡○一○  
數○賊○惡○動○海○內○臣○民○之○心○豈○當○時○鞠○躬○盡○瘁○未○遑○及○  
此○耶○讀○史○無○聊○戲○擬○伐○魏○一○檄○自○知○學○殖○淺○陋○不○足○  
爲○武○侯○續○貂○亦○聊○以○補○陳○琳○所○未○及○使○小○儒○知○帝○魏○  
之○不○可○云○

稱曹瞞爲武帝直是全無人心夜氣不足以存者  
得此發蒙振落應開豎儒許多茅塞矣議論嚴正  
筆下斬截有功名教不小







再書伐魏檄後

余讀三國史戲擬武侯伐魏檄既成六日矣夜夢一

此夢奇

丈夫自稱曹孟德叩扉請見命之入見其潤面多鬚

更奇

不冠不帶素衣而雍髮嫌其無禮不命坐戲之曰孟

清談勝子鞭撻

德公亦雍髮耶又欲來作征西將軍曹侯耶今聖明

在上恐無地可以容君其人默然無以應若有羞赧

必有所求

狀向余連作五六揖余笑曰不冠而揖仍是賊輩禮

文耳指几上檄使觀之閱數行面漸赤至操戈犯闕

弒后妃於天子之前卽肉顛手亂不敢卒讀欲懷之



而逃余攜其袖止之曰無若茲吾稿必欲存也其人

拙甚

慌甚將已閱者扯碎僅存三分之二余仰天大笑曰

桓溫有言丈夫不能流芳百世亦當遺臭萬年君之

老○賊○平○生○厚○顏○至○此○亦○知○畏○懼○可○謂○死○後○見○真○性

謂與君作惡一生不畏天下人議論復何有於余文

哉且語云欲人勿知莫若勿為君何不戒慎於生前

而思掩飾於死後無乃惑乎吾文自能記憶吾稿必

之○何○

欲存也其人大慙而去余亦遽然驚覺取筆索燭而

記之時康熙丁亥五月二十七日也嗚呼亂臣賊子

所以敢悍然不顧者謂天下皆可欺耳使知千秋百



世尚有人焉欲正其是非卽形銷骨化而後且無所  
世○奸○臣○之○膽  
逃於鈇鉞誰敢復爲犯上作亂哉操而有知定當赧  
然○沮○喪○勿○以○無○稽○之○夢○囁○嚅○余○也○聞○斯○言○者○忠○孝○節○  
高○意○深○遠○  
義之心油然而生矣

雖是偶然夢寐却亦在情理中使操而無知則已  
耳操而有知能不慙愧無地自容哉末後一段見  
得維持名教誅亂賊于旣死起後人忠孝節義之  
心不當以遊戲視之



少不當以茲為足

新縣林外遠隔宿願下種以成野人忽其苗葉之

耳難而育味而不辨則無此自容若未終一好良

難去焉將帶新味不亦留望中對將而無味頃已

華之山然生矣

然且其所以無禁之藥也余亦聞博言者意表而

此為短短新味也外上并置為難而育味安當勝

可尚育人焉然其非怕派散骨外而對且無散



書潮志方輿卷後

按是編輿圖諸說。提封阨塞。疆界遠近。既已靡所不周。詳哉言矣。尚何疆域形勝。關隘之紛紛乎。舊志所存。刪之可也。然歷來志書。未嘗廢此三者。今欲便于觀覽。盡入圖說之內。聚米畫沙。原原委委。雖可一望瞭然。其體亦嫌于創。未敢自以爲然耳。海宇昇平。非復向時之舊。昔人所謂疆域形勝。關隘者。十已不符。○所○以○要○變○通○二三戰場。化爲中閨。兔窟栖于雞豚。滄桑改易。徑途亦異。欲仍循故籍。經畫防守。以爲遠猷。難乎免於刻。



舟求劍之誚也。書而弗削。懼掩前徽。列于小註。示不  
可用。以俟後之君子焉。

圖說已精詳明白。舊志所有尚欲以質來者。可謂  
才大心細。

書陳志太興卷終



書風俗志卷後

臣按放勳曰勞之來之匡之直之輔之翼之使自得之。又從而振德之。即

志以此爲移風易俗之大原。

聖諭廣訓書之意也。夫風草之機捷于影響。人非木石。豈有不可訓化者哉。宋儒謂無好人三字。非有德者之言。必謂俗刁民惡。如蠻貊盜賊。無可如何。亦非有道者之言也。古云上以孝取人。則勇者割股。怯者廬墓。又曰城中好高髻。四方高一尺。城中好濃眉。四方且半額。上有好者。下必有甚變化之。易自昔如斯。今

極言其易。



以發爲經濟而擔當世道無如公者雖通鑑一書是  
通鑑快處原不必爲護短要自瑕不掩瑜  
非議論間有謬於聖人不過史識有所不足無害其  
爲大君子也已丑夏中丞儀封張先生以公文集授  
余又見公以經濟爲文章忠愛懇忱流露翰墨有古  
大臣以道事君之意益歎公學術之正道德之隆規  
模宏遠條理詳密非大儒而能若是乎今人讀書蓬  
茅中胸有所得恨不得位以行及位果可行則又顧  
慮身家委蛇遷就不曰君王明聖愚昧何知則曰福  
先禍始古人所戒舉平居慷慨磊落陵轢宇宙之精



神一立朝班反奄奄欲絕徒以守雌守默博休休有  
容之狀如此之人是國家大蠹也雖千百輩何益于  
天下哉溫公一生過人止是肯任天下事見義勇爲  
禍患不計忠誠上貫天日利澤溥于方州是以人民  
思慕田夫婦女皆恐其去朝廷及其沒也市人巷哭  
鬻衣致奠四方畫像以祀飲食必祝則公之爲公可  
知矣學者讀公之文當蹶然而起思公之學術經濟  
乃公擔當世道之所由鄙夫脂韋皆坐在不學耳庸  
庸多厚福非儒者之所願聞也



世人畏首畏尾只是身家念重甘心做個庸庸多  
厚福所以把天下事都丟開了鬚眉化爲巾幗國  
家安賴有若輩作者把溫公擔當世道抬出以爲  
人臣榜樣可想見他日立朝節槩



鄭母輓詩跋

余讀鄭母林氏狀。泫然悲之。既而猶幸其遇也。婦人  
立節。貞與烈不同。烈者慷慨一時。大事定矣。其節易  
見。故得名較赫。守貞之苦。則終身焉。風淒月冷。喚鶴  
啼烏。悲悼何極。采風者。又未敢卽爲標榜。必遲至髮  
白齒落。老且死。而後論定。嗚呼。蓋其難也。然或不幸  
不遇肖子。復不獲當代鉅公。爲之傳信。荒山僻澗之  
間。湮沒者何可勝道。鄭母守貞三十年。有子成立。厥  
功懋哉。蓋棺以後。其子陽豐述其狀。而號泣吾鄉。諸



君子哀其志。爲詩歌以揚厲之。鄭母之節傳矣。凌霜勁節。沒有餘芬。  
鄭母之遇。其亦可幸者乎。名教二字。閨閣同之余病。  
女教無專經。乃輯經書古訓。爲女學六卷。竊不自揆。  
欲爲風化津筏。今觀鄭母得力於孝經。內則列女傳。  
諸書益信學問之功大也。化民成俗。其必由學。豈獨  
可○見○男子爲然哉。余旣幸鄭母之爲名教光。因書數語附  
焉。時內申又三月也。

潔靜雋永。耐人尋味。而平日顯微闡幽。以風化爲  
已任。亦於此見之。



臺灣後遊草跋

臺灣後遊草。吾友陳君少林征帆三渡之作也。其初  
渡臺。以聘修諸羅縣志。君既有遊草矣。辛丑再渡臺。  
以制府滿公屬叅軍事。隨師平賊。歸舟遇風。賦天風  
數章。未幾而復有癸卯之遊。殊非其意。憶昔征帆諸  
詩。所爲作也。先贊數語古筆深情雅調。雄壯蒼涼。如英莖咸韶音節。  
超詣中丞沈闇齋。比之少陵。宗伯蔡梁村。以爲卽子  
美。北征諸將之什。而廷尉黎抑堂。復以一言韙之。不  
許他賢置喙。君之詩定矣。余何言。顧念君之才之遇。  
突起一坡



○文○執○力○開○拓○

則亦有不可解者。少壯迍邐名場。馳驅楚越滇黔間。  
戎馬江湖。俯視一世。歸而講經學。誦洛閩。分修先儒。  
諸書。則恂恂儒者也。征臺一役。慷慨從軍。運籌決策。  
屢縛魁渠。海疆甫定。長揖言歸。制府薦授郡守之約。  
初陳君臨行時制府滿公約曰直與童兒瓜果付之。迨然一笑。  
賊平當薦子於朝授以郡守中初不知於已何涉者。蓋位置其身于三代以上。過  
人遠矣。竊歎造物生才甚難。君相求才若渴。深山窮  
谷。老死隱淪者。不具論。旣出其經濟之能以表見於  
世。尚終棄置乎巖穴。鮮不謂當途之過也。雍正六年。  
此○中○有○天○在○



上命內外臣工各舉有猷有爲有守之士中丞閻齋  
先生以爲無逾君者亟草疏欲薦于朝稿已具而  
中丞疾作乃寢余不自量人微言輕復欲以君應  
詔梁村宗伯來書亦以君讓余蓋度余必不肯舍君  
而他求方歎友朋知己萬里同心毅然以推轂爲已  
任不謂速君未來而余已陷于非辜事又不果明年  
春抑堂廷尉復欲薦君以手札趣君赴汀並轡入都  
而君又不行抑堂別君二十餘年或言君且老難見  
至尊及期君弗至復中止梁村宗伯旣以君讓余別

不遇一

不遇三

不遇一



有汲引至是亦悔之無及可見君行藏遇合自有天

不遇四應上非當途之遇

總筆大力拈

定非人力所能爲也君子所性不爲窮達加損廊廟

身分語

巖阿均有不朽之事業第以昂然七尺應爲國家

驅馳不敢耽泉石之安駕言高蹈耳守先待後事功

非他人所能道隻字

且及於百世豈與一時利澤較菀枯高下云乎哉君

歷久不遇正造物所以厚君不欲使安於小成君必

大有以副造物厚待之意不以有用光陰消磨於牢

陳君身分亦見

騷憤邁此余所信之於素者也君學殖深沉非世人

所能窺測後遊一草不過偶爾緒餘使讀者知當時



情事想見雄浩奇偉之氣。欲以一轡蔽九鼎。君且笑。  
爲不然矣。君年六十有八。精神益壯。將之楚遊。以辛  
亥九秋。晤余于循陽客署。促膝連床者三日。數年來  
一大快也。索君詩文。開余茅塞。爲書數語于卷末。明  
年此日。又將讀君楚遊草。君其教我勿吝。

陳君用世之才。終老巖阿。可爲浩歎。中間敘述許  
多。不遇具見出處。有天非人之所能爲。惟高自位。  
置以守先待後。爲已責便。覺造物苦我之處。無非  
厚待玉成之端。此鹿洲入水不濡。入火不熱。本事



不止爲陳君發也



